

VAGIENTIS  
PVERITIÆ  
LVSVS;  
seu

CAESARIS FANELLI EX FLORENO

EPIGRAMMATON



NEAPOLI, Typis Iosephi Roselli. 1685.

*Non sine Superiorum Facultate.*



*Ad Perillustrem Dominum, & Amicum*

D. FRANCISCVM ANTONIVM

HAEC IOB I N F V. I. D.

OPUS, AVTHORIOBVS SVEMIT

DEDICAT, AC DICAT

Alloquium



Nunc Ancipitius, via-  
rioque curarum  
æstu quam maxi-  
mè hæsitans flu-  
ctuabat animus,  
charissime Anto-

ni, cui potius paruas has nugas

a 2 meas,

meas, ac exiles, in quibus Pueritiam totam, primamque floridioris Adolescentiæ partem consumpsi, in munus offerrem dicendo; sed ut, & Amicitiam tuam, tuamque Beneuolentiã, quam mutuò multis abhinc annis suscepimus, & adhuc fouemus, in posterum (faxint Superi) conseruaturi, ex eo scilicet eum in Neapolitano Societatis Iesu Collegio, & humaniorum literarum occupationibus puer, & grauioris Philosophiæ exercitationibus vnà cū te adolescens, & altioris Theologiæ disceptationibus prouectior operã darem; & Pietatem tuã, quã & in publico, secretoque Clericorum

so.

sodalitio in eodem Societatis Collegio, & in Incurabilium Xenodochio feruentissimè demonstrasti; illic ea, quæ ad rectum Christianæ vitæ tenorem spectant, doctè enucleando; hic ea, quæ ad ægotantium refectionem, quæ animi, quæ corporis pertinent, piè cooperando: minimè degenera tua gente, quæ pijsima semper erga proximos fuit, quod vnicè apparet ex antiquissimo quodam Monte erecto in loco vulgaritèr nuncupato *Castelsaraceno*, ad hoc, vt quæ de proprio non possent, de alieno nuberent; minimè degenera Ioanne Thoma tuo patre, ac parente, qui & pius erga Deum,

& fidus ergà Augustissimos Au-  
striacos ciuiliū dissentionum  
temporibus pro ijsdem arma su-  
scipit vsque ad bonorum omniū  
iacturam, imò ad sanguinis, vitæ-  
que effusionem, si necessum fuis-  
set; minimè degenerà Leonardo  
auunculo tuo, & à Lucretia eius-  
dem forore, quorum alter quin-  
quaginta quinque annos natus,  
illæso Castitatis lilio, non sinè om-  
nium dolore decubuit; altera ve-  
rò adeò Pietate exarsit, vt triginta  
trium barbarorum triremium ad-  
uentum \* in Arcē Imperialem tuā  
patriam cum euentu prædixerit,  
nec non quamplurimum Ciuium sub  
duro seruitutis iugo captiuitatem,

\* anno 1644.

sed

sed tandē à barbaro quodā imma-  
niter oppressa; cū animā ageret,  
patientissimè obiit; & Geniū tuū,  
qui totus in eo est, vt Musas, ar-  
gutosque sales sectetur Poëseos  
amicissimus, vt mihi sæpè sæpius  
ex tuis laboribus, qui & ingenium  
redolent, & eruditionem sapiunt,  
non tritam, non vulgarem, patuit,  
animaduerti; Tibi vni illas obtuli,  
illas dicaui, & meritò id factum  
censui; sic enim & Amicitiam nu-  
trio, & opus hoc meum non sub  
fumosi Vindicis patrocinio; sed  
sub pij, probique viri præsidio tu-  
tius collocaui, & poeticos hosce  
lepores non nisi Poëta perlegerit  
evoluendo: nec Arystarcorum,

7. 5.

a 4 den-

dentes, aut Zoilorum latratus timebo; Aquila namque biceps, duplici illam decorante corona, quam familiae tuae Inuictissimus Carolus Quintus bellorum fulmen, ac terror, quia à tuis humanissime fuerat susceptus, vna cum pluribus prerogatiuis contribuit, ut noscitur Patria, ut testantur Cives, ut comprobant vetera annalium monumenta, me suis unguibus proteget, & ultra sublimiorem Gloriam apicem euehet immortiturnum : Viue mei memor, & valeas.

Ad

# AD EUNDEM.

Epigramma

Et Lege, & Musis idem es doctissimus unus,  
Anthoni, & patria fama, decusque tua:  
Clarus prodigijs Antonius emicat; at tu  
Praclaro effulges maximus ingenio.

Ad Eundem.

Francisci nomen vel te, Francisce decebat;  
Nam quidquid quondam fecerat ille, facis:  
Instabat patria vasto de monte ruina,  
Franciscus ciues protegit, & Patriam:  
Rodebant opus hoc tineae, tibi mittimus illud,  
Sic tutum à tineis reddis, & à tumulto.

Ad Eundem.

Cur Iacobinus cognomine diceris, & non  
Iacobus, quasò dic mihi? nosse velim:  
Sed nosco: fuerat Iacobus Apostolus, illo  
Tu paulò minor es Religione, Fide.

Ad Eundem.

Qui sis, & quantus Musis, & carmine Vates,  
Hetrusco, & Latia, Patria sola docet:  
Arx te progenuit, qua dicitur Imperialis,  
Sic quòd Vatum habeas, indicat, imperium.

Va.





*Varia Amicorum Encomia*

seu potius

*Ameniores Eruditorum Flosculi*

*Ad instar serti simul compacti  
Authorem tanquam Valentem  
coronaturam.*

*AD LECTOREM.*

**A**Ntequam vel intima Regum  
penetralia, vel remotiores Prin-  
cipum recessus quis introspeciat, & per-  
luffret Spectator, in prima palatij fron-  
te, factæque domus vestibulo plura le-  
gere mos est, vel tanquam emerita Elo-  
gia,

gia, vel decentia Encomia ; ut sic concipiat, quis, & videat, qui sit, & qualis; qui domum inhabitet Dominus, eique pro qualitatibus mensura Obsequia contribuat et Virtutibus æqua ; et meritis : sic tu, amicissime Lector, antequam mei Libelli intimas pagellas euoluas, plura prælegas, oportet, licet nec emerita, nec me decentia Amicorum erudita Encomiorum obsequia non tanquam meæ Poeseos, quæ nulla est, sed eorum Amicitia testimonia perennia, et in æuum immortalura ; vel potius tanquam tot amæniores Poetarum flosculi ad instar ferti simul compacti me, licet immeritò, tanquam Vatem coronaturi: Legas, et plaudas.



In

# IN LAUDEM AVTHORIS.

## Flosculus 1.

*Docti carmina volue Martialis,  
Docti carmina Cæsaris reuolue ;  
Argutos Epigrammaton lepores,  
Sales vipereos, iocosque dulces  
Conferas, rogo, Lector; aut putabis  
Hunc parem, similemque Martiali,  
Aut huic similem, paremque dices  
Argutum, lepidumque Martialem.*

## Flosculus 2.

*Alcides, Cæsar, pariles meruere triumphos ;  
A<sup>3</sup> cunis etenim victor uterque fuit:  
Ille manu colubros confregerat, iste Poese  
Fortior Inuidia barbara monstra domat.*

## Flosculus 3.

*Iliades taceat mendax, & vana Vetustas ;  
Tollat Odiseas Fama sub astra minus:  
En maius iam surgit opus, quod nobile claudit  
Quidquid Odiseas implet, & Iliades:*

Flo-

#### Floſculus 4. N. N.

*Craſus erat, Caſar, multo ditiffimus auro:  
Par Craſo dives diceris, imò magis:  
Sed perijt, Craſus quod iam poſſederat aurum,  
Atque illud poterat quis rapuiſſe manu:  
Qua ſtabilis vivat nullis ſubiecta rapinis,  
Carminibus fulget plurima gemma tuis.*

#### Floſculus 5. N. N.

*Qua recreant, nugas ſcribis, luſusque, iocosque  
Nunc leuitate puer, nunc gravitate ſenex:  
Inſtabilis, Caſar, tibi cartha, leuiſq; papyrus  
Nomen, quod vivat ſacula plura, dabit.*

#### Floſculus 6. N. N.

*Caſar es, & meritò; coniungis nomina rebus:  
Rex Vatum nobis crederis ingenio.*

#### Floſculus 7. N. N.

*Et Muſas, luſusque tuos, doctiſſime Caſar,  
Perlegi: nemo doctior eſſe poteſt:  
Hinc latè celebret Vatem te Fama per Orbem,  
Aut par, aut ſuperas carmine Virgilium.*

Flo-

## Flosculus 8. N.N.

*Alcida invidit quondam saevissima Iuno,  
Id monstrat libri pagina prima tui:  
At nunc, cum scribas doctissimo carmina Vates,  
Invidet & tibi, sed saevius invidia:  
At puer Alcides Iunonem riserat, illi  
Tu par, & rides, & premis invidiam,*

## Flosculus 9. N.N.

*Quod scripsere alij post plurima lustra Poeta  
Exiguo, Caesar, tempore scribis opus:  
Aeternas laudes alij meruere, sed illos  
Ingenio exuperas, laudibus exuperas,*

## Flosculus 10. N. N.

*Plus landis, quam diues aqua Sebethus inundat;  
Carmina, qua scribis, vidit, & intumuit:  
Sincerum redisse sibi iam credit & illum  
Scribere, qua scribis carmina docta, putat:  
Effigie sileas quamvis, tua fama loquetur  
Quod renouas balamo secula prisca tuo.*

Flo-

## Floſculus 11. N. N.

Dulcia, quæ ſcribis, tua ſunt Epigramata, Caſar,  
Exiguo legi terque quaterque iocor;  
Nec ſuſpeor Alcida puerum te monſtrat imago;  
Spærſa referat dulci lacte labella puer.

## Floſculus 12. N. N.

Prima tibi veſtit tenera lanugine vultus,  
Et viget in teneris prima iuventa genis, ſus  
Quod miramur Opus ſcribis tamèn, undiq; plan  
Excipis, hinc referat Gloria, & inde tuas  
Sed quæ non ſcribes, longè maiora, ſenectus  
Cum tibi ſedarit, Caſar amice, comas?

## Floſculus 13. N. N.

Sunt qui te lacerant, ſunt qui tua carmina carpunt,  
Tu tamèn, (id monſtrat dulcis imago) ſiles;  
O centum celebranda tuis Prudentia! poſſes  
Vleſci, ſingis vulnere a nulla pati.

## Floſculus 14. N. N.

Ore ſiles, paruum monſtrat tua dextra libellum,  
Scilicèt, & verum eſt, qui tacet, ille ſapit.

Flo-

### Floſculus 15. N.N.

*Parthenope, gaude, redyt tuus Actius, olim  
Qui cecinit nimio carmina ſparſa ſale:  
Illius cineres propius tua litora claudis  
In gremio, quare Gloria magna tibi eſt:  
Vivit adhuc Caſar, par eſt tibi Gloria, utroque  
Vate micās; magnum nomen uterque dedit.*

### Floſculus 16. N.N.

*Parthenope Vatum ſedes, dulciſſima Sedes,  
Heroum Genitrix, Aonidumque Domus,  
Quamplures veteri nutriſti aetate Poetas,  
In caribis quorum Gloria vivit adhuc,  
Virgilius coluit tua dulcia litora, nec non  
Sincerus parilis carmine Virgilio,  
At nunc diſſimula tantorum nomina Vatum,  
Nec laudare velis, nec celebrare velis:  
Perlege, qua Caſar modulatur carmina, dices:  
Hic unus Muſis vincit utrumque ſuis.*

### Floſculus 17. N. N.

*Post tumulum (ſerò) conſurgit Gloria, dixit  
Qui nimis arguta felle Poeta madet:  
Non tamèn id de te potuit dixiſſe, videmus  
Quòd vivus multa laude ſuperbus eas.*

V.I.D.

## Flosculus 18. N. N.

*Iam par Alcida teneris feruescis ab annis,  
Armatus calamo Victor es inuidia :  
Si puer in cunis facis hac, cum fortior atas  
Adueniet, qua non dignius efficies ?*

## Flosculus 19.

Argutiam aduerte hic, Lector, non præmium,  
quod Authori lepidè inauguramur ; ille  
enim paruo olere, nec vltra ambit,  
contentus est, & ad solum pur-  
puræ nomen erubescit  
quammaximè.

*Scribis opus, Caesar, quod vix scripsere priores  
Nec Vates poterit scribere, si quis erit ?  
Danda foret tantis Musis, tantæque Poesi  
Purpura, sed dabitur; debita, & æqua tibi est:  
Pastor eris, qui Pistor eras, miracula sunt hac  
Ingenijque tui, iudicijque tui.*





*O Hominem ! ò prodigium !*

*O ferreo hoc scribendi seculo*

*Vatem Musis penè aureum !*

*Dissimulet posthàc Antiquitas*

*Diuitem Pyrrhi Regis lapillum*

*Conspicuum, admirandum, eximium,*

*In quo vno rerum Mater, ac parens Natura*

*Musas omnes, & Apollinem*

*Cum Cytharis, cum plectrò*

*(Vt in eum cantu celebraretur in opere)*

*Affabrè concinnauit ad miraculum:*

*En nobilius Cæsar*

*In exiguis libri pagellis,*

*Licèt fragilibus, immorituris,*

*Quidquid habet vel dulcius,*

*Quidquid habet vel melius*

*Romanae Poeseos Romana Facundia*

*(Vt perpetuò viueret vel cinis in tumulo)*

*Non sinè maximo*

*Totius Orbis stupore,*

*Nedum solius Parthenopes*

*Lepidè coarctauit ad Hyperbolem:*

*Hinc*

Hinc

Suos Cæsares filescat Roma,  
Sed plaudat tamèn Parthenope  
Perenni plausu, perenni laude  
Vbique Cæsarem suum;

Nàm

Quantum quantum illi per Orbem latè totum  
Et fama, & nominis, & Gloria  
Post longum temporis intervallum  
Et armis sibi comparauerunt, & gladio,  
Hic vnus vel puer in cunis  
Breui temporis ambitu  
Et Musis sibi comparauit, & calama.

Flosculus 21. N. N.

Ridiculo scribis dulcissima carmina versu,  
Et lepidos dulci cum leuitate sales,  
Hac animi miranda Tui est Prudentia, Cæsar,  
Scribis enim leuius, quàm tua Vita facit.



Perillustris V. I. D. Abbatis Domini  
D. Donati Antonij de Andrea .

Flosculus 22.

Sunt qui belligeris exercent membra palæstris,  
Et miscent blandis arma quæta iocis:  
Gaudebant Veteres, circensis tempore ludi,  
Curriculo, gaudet pulchra iuuenta irochos;  
Sunt alij, placidis mulcent qui viscera talis,  
Hinc alij gaudent tessera, & inde pila:  
Doctæ, tuus, Caesar, quàm distat ludus ab istis:  
Hinc ludunt tecum Musa, & Apollo simul:  
Vera canis ludo, ludens simul vtile misces,  
Virtutis, ludo, dogmata multa latent,  
Nomina parua tuo Puerorum tolle libello,  
Et precor, inscribas, inclyta gesta Virum,  
Tolle, precor, viden, alma cui detur ipsa Poesis  
Consona, & hinc meritò nomina trade suo:  
Forsitàn ignoras, quòd primus Apollinis oris  
Hic fulget; Pindi culmine primus honos?  
Quæ poterit, qua lingua viri sat pingere laudes  
Non potis exiguas texere doctæ melos:  
Versiculis nunc ergò tuis hac nomina tolle;  
Das tanto illustri si tua scripta Viro.

V. I. D.

*Quis putes ex pueri vagitu arcana Poesis  
Condi, atque in gemitu carminis eſſe melos?  
Fanelli hi tantum manant de mente ſtupores,  
Naturas rerum carmina dum variat:  
Ergone tanta tuis eſt verſibus inſita Virtus,  
Ut rerum ſpecies pendeat arbitrio?*

Ad Lectorem

Quare Cæſar, & non Cæſar ſcripſerit!

*Epiqr.*

*Cæſar, non Cæſar debebam ſcribere, COEſar  
Sed ſcripſi, nec me carpere dente velis,  
Conſultò id factum eſt, Lector chariſſime, moſtra  
COEnoſus quòd ſim carmine, & inſipidus.*

Cui ſic reſpondit Amicus N.N.

*COEſar, non Cæſar debebas ſcribere, Vates;  
COEleſtis fueras carmine, & ingenio.*

Ad Eundem  
Quarè edidit pro edit, & edideras pro  
ederas in Opere dixerit.

*Edidit, edideras, boletos Claudius, apros  
Postume, quòd dixi, Zoile, nè laceres:  
Addere debuerã quamplurima grãmata verbo,  
Alter, & alter enim longus edendo fuit.*

Dicas igitur, Lector, in Opere Cæsar, non  
Cœsar, & non legas in pag. 26. epi-  
gram. 75.

*Edideras apros nupèr, sed, Postume, crudos:  
Sed legas  
Apros edisti nupèr, sed, Postume, crudos:*

Neuè legas ex pag. 154 epig. 449.

*Edidit immeritò boletos Claudius olim:  
Sed  
Immeritò quondam boletos Claudius edit:*

Proindèque id non errori (consultò enim  
fecimus) sed lepori attribuas, rogo.

Ad

Ad Reuerendiss. Dominum  
D. FRANCISCVM VERDE  
V.I. Sacræq; Theologiæ Professore, m,  
ac Cathedrę Archiep. Neapolitanę  
Vicarium Generalem :

Sub quo Author vtramque Legem,  
multis ab hinc annis  
edidicit.

*O Vigor, à Iuris Columnen, non vltima Legum  
Gloria, Causidicũm Laurea, Vita fori,  
Palma hominũ viuis, Frãcisce, sublimis in auras  
Erigis aternas fronde virente comas :  
Maximas ingenio, plausu quoq; maximus Orbẽ  
Attrahis, è calamo pendula. Fama tuo est :  
Nosceris Occiduis, Eois nosceris oris,  
Laus triplici tollit nomen ad astra Tuba :  
Palladia Tu gentis Honor, Tu Regula morum,  
Tu Decus Astree nobile; Fama canit :  
O Tibi legalis debet Sapientia quantum !  
O quantum menti ciuica Inra tua !  
An Te dicemus, Francisce, Solona ? sed Orbi  
Maior ades, Legum crederis esse Pater .*

Ad

AD BLASIVM ALTIMARE  
Doctissimum æquè ac prudentissimū virū,  
Vtriusque iuris laurea decoratum.

*Qui sis ingenio, & qualis, notissime Blasi,  
Et quantum sapias mente, animoque tuo,  
Cognomen, quod habes, nobis satis indicat unū,  
Atque unum satis id comprobat, ac docet id:  
Dat Mare cognomen, quo nil est altius, illi  
Par animo effulges altus, & ingenio:  
Vnda Maris sapida est, tu noscis plurima legum  
Dogmata, iura sapias, pragmaticasque sapias;  
Oceanum iuxta gemmas reperimus, & aurum,  
In libris legimus gemmea dicta tuis:  
Alcides metas præfixit in equore nautis,  
Tu metas figis legibus, atque facis.*



# Ad V.I.D. IOSEPHVM VALLETTA

Quòd Causidicus sit, & admirabilem  
Bibliothecam habeat.

*O qui Causidicus pertractas dogmata Iuris,  
Parthenopes, Ioseph, Gloria, Fama fori,  
Moribus effulges vnus iustissimus, vnus  
Ingenio effulges rarior, & calamo:  
Mente tibi posset iam cedere Bartolus, illum  
Æquiparas, imò legibus exuperas:  
Bibliotheca tibi est libris ditissima; quiuis  
Admiratur opus nobile, & ore stupet;  
Plus mirāda tamèn tua mens: nā ditior hac est:  
Bibliotheca docet plurima, plura sapis.*

## Ad DIDACVM VALLETTA.

Optimum Iosephi filium.


*Coniugij Iuuenis iunxisti fœdera: coniux  
Ducta tibi est vultu pulchra, pudica nimis:  
Tres natas genuit, Charites quas dicere posses,  
Diuitia fuerant, deliciaeque domus:  
Decubuerè tamèn bina; nunc vna superstes  
Cum puero viuìt fratre, diùque, precor:  
Plurima dinumerent longavi lustra per auum;  
Sint tibi & auxilium, prasidiumque seni:  
Sunt varij sexu, mos est tamèn vnus utrique;  
Diligit hæc matrem, diligit ille patrem.*

Ad



Ad ANTONIVM BVLIFON,  
Cui suum opus vendendum commiserat.

O qui Sirenem monstras pro stemmate, cantu  
Quaq; aliquãdò iuvat, quaq; aliquãdò nocet:  
Bibliopola libris diues, notissimus Vrbi,  
Antoni, cuius nomen ubique sonat,  
Qua tibi commisi, vendas mea carmina, quod se  
Efficies, aliud dulce videbis opus:  
Quo pretio vendamè sed si fortassè rogabis,  
Aspicias quis emit, diues, an ille miser:  
Si miser, accipias pretium quodcumq; vel assè;  
Si diues, vendas non nisi mille librum.



Ad

## Ad Sculptorem suæ imaginis.

*Cæsaris argutos molli sub imagine vultus  
Exprimis, & Vates viuas ab arte facis,  
Mansoli morietur opus, non dulcis imago;  
Effigies steterit, sæcula plura fluant!  
Sed quæ pro tanto tribuentur dona labore?  
Quæ iam laudaris, carmina plura legis:  
Sic Sculptor viues, niuet per sæcula Vates,  
Alter àt in carthis, alter ineffigie.*

## Ad Typographum

Quòd prælum propè cenosam viâ habeat.

*Hic, ubi stat positum prælū tibi nobile, verū est,  
Agnoscis, multo stercore facta via est:  
Nunc eo, nunc redeo visurus carmina, quæ tu  
Imprimis exiguis carmina scripta notis,  
Sæpè luto dolui fixerem quòd sordidus, & quòd  
Insiceret nostros semita fæda pedes;  
Sed sandem angorem posui, tristemq; dolorem,  
Et mecum tacitus talia verba dedi:  
Virgiliij nata est Enni de stercore, eodem  
Nunc fæso nata è stercore Musa mea est.*

**D**E mandato Reuerendissimi Domini  
Vicarij Generalis Capitularis hoc,  
quod, *Pueriles Lusus*, ab Authore inscribi-  
tur opus, Ego infra scriptus legi, vidi, atq;  
perlegi: & cùm nihil contrà Fidem, mo-  
resuè repererim; immò nonnullis, venu-  
stos inter lepores, quos Martialis more  
complectitur, quæ tùm illam, cùm hos ex-  
citant, ac iuuare queant, repertis: illud le-  
gentibus perutile, perque iucundum iudi-  
co, ac proindè publica luce typis dari cen-  
seo dignum.

Ego Ioseph de Pace Sacerdos  
sæcularis V. I. D.

*Visa dicta relatione imprimatur 16. Martij*  
1685.

F. VERDE VIC. GEN. CAP.

ECJ

ECCELLENTISS. SIGNORE.

**A**Ntonio Bulifon Libraro di V.E. supplicãdo l'espone come desidera far stampare vn libro di Epigrammi del Signor D. Cesare Fanelli, supplica V.E. cõmetterne la reuisione à chi meglio le parerà, e l'haurà à gratia vt Deus.

*Magu. V.I. D. Blasius Altimare videat, & in scriptis referat.*

CARRILLO R. SORIA R. MIROBALLUS R.  
JACCA R. PROVENZALIS R.

Prouisum per S.E. Neap. die 14. Martij 1685.  
*Mastellonus.*

EXCELLENTISS. DOMINE.

**U**T Tuis dulcissimis mandatis parerẽ, legi libentèr libellum inscriptum: *Vagientis Pueritiæ lusus, seù Cesaris Fanelli ex Floreno Epigrammata*, nihilque in illo inueni aduersum Regali jurisdictioni, sed Poesis professoribus iucundum, ac vtile, cùm sit salibus, & lepore plenus, vndè imprimi posse existimo, si Excellentia Tuæ videbitur, cui summã felicitatem precor. 10. Kal. Aprilis M.DC.LXXXV.

Exc. Tuæ

Humillimus Seruus  
*Blasius Altimarus.*

*Visa supradiçta relatione imprimatur, & in publicatione seruetur Regia Pragmatica.*

CARRILLO R. SORIA R. MIROBALLUS R.  
JACCA R. PROVENZALIS R.

Prouisum per S.E. Neap. die 26. Martij 1685.  
*Mastellonus.*


## Authoris protestatio .

**S**I fortè in libello hoc aliquid ,  
Lector , inuenies , quod Or-  
thodoxæ Fidei ( quam sanguine fa-  
teri tenax mihi mens est ) dissonet ,  
abrogatum sit volumus , & in flā-  
mis adustum ; licèt enim Poesim  
iocis exerceamus , aut lusibus ; non  
tamèn Athei vita sumus , aut mo-  
ribus , sed Catholici . Hac te vole-  
bam : Vale .



*Ad Lectorem.*

**L**Ege, Amice Lector, opus hoc;  
nec illud carpas, monemus; im-  
berbes enim adhuc sumus, & pueri in  
Poeseos palæstra, in Rhetorices exerci-  
tatione; quod si effeceris, vt credo, mox  
nobilius, & longè excellentius opus  
aliud euolueris: quoniàm ætas est, quæ  
paulatim solet, & tacita quadam lima  
quidquid & rude, & imperfectum an-  
teà scripsimus, emendare, excolere, &  
plausu, cedroque dignum efficere: Va-  
le, & viue.



*Ca-*



*Cæsaris effigies hæc est, charissime Lector;*  
*Adiungas capiti laurea ferta suo :*  
*Id meruit, nemo est illi par carmine Vates;*  
*Obuia Musa sua est, obuia quæque facit:*  
*Hos vultus, hæc ora refert, iam noscis, & illum*  
*Nosse potes, nondum funera nigra subit :*  
*Prima iuuenta suo residet placidissima vultu,*  
*Quinque egit, peragat plurima lustra, roga:*  
*Non atate riget, nimio riget ille labore,*  
*In carthis pro te vel perijisse cupit.*

V A G I E N T I S <sup>I</sup>  
P V E R I T I A E  
L V S V S,

seu

*Cæsaris Fanelli ex Florenno  
Epigrammata.*



Quòd Domus professa Patrùm Socie:  
tatis Iesu magnificentiùs nobilitetur.

Epigramma.

I.

*Qua noua Pyramidum surgunt miracula Cælo  
Proxima? qua moles tollit ad astra Caput?  
Quos ego siderea video ceruice Colossos?  
Quæ patrio crescunt amula templa polo?  
Marmora qua miro fulgentia Mausoleo,  
Aere & in medio nobile pendet opus?  
Hæc Ignatiadum domus est; o paruula tantis  
Tecta viris! Cælum par domus una foret.*

A

In



In Collegio Patrùm Societatis,  
 cùm atrium fundaretur,  
 Et Globus ferreus, & Caput marmo-  
 reum repertum est. 2.

*Et GLOBVS, & CAPVT, effossa tellure, resurgunt  
 Hic, ubi vestra, Patres, surgit ad astra Domus:  
 Ferreus est ille, hoc duro de marmore, utrūque  
 Et Globus, atq; Caput magna trophæa notât:  
 Vos Caput esse probat Caput, at Globus indicat,  
 Vos Orbis posthâc quis neget esse Caput? (Orbis,*

Ad Ponticum. 3.

*Librorum titulos varias, & Pontice, dicis  
 Esse tuos; nimis es, Pontice, ridiculus.*

Herculis Effigies. 4.

*Exprimit Herculeos vultus, quã cernis, imago;  
 O quantum labor hic nobilitatis habet!  
 Natura metas posuit, nunc creditur Arti  
 Alcides metas vel posuisse suas.*

DE

## DE CAROLO II.

Augustissimo Hispaniarum Rege. 5.

*Iuppiter Imperij laxat sua fræna per Orbem,  
 Carolus Imperium totius Orbis habet:  
 Ille Aquilas jactat gestantes unguibus ignem,  
 Iste Aquilas jactat: nobile stemma notat:  
 Iuppiter Enceladũ domuit, fratresq; Gigantes,  
 Iste tuos domitat, Thracia Luna, Canes:  
 Comparet æternos amborum fama triumphos,  
 Carolus Imperio vel Iove major erit.*

## De Mario.

6.

*Duxerat uxorem Marius, pro dote recepit  
 (Quis credet?) tussim Coniugis ille sua.*

## Maledici Epitaphium.

7.

*Quæ ruitura vides pendentia marmora, noli  
 Credere quòd tempus roserit illa suum:  
 Zoilus hìc situs est, homines qui roserat, at nunc  
 Incæpit tumuli rodere saxa sui.*

A 2

Ad

## Ad Tuccam.

8.

*Parturit ingeniū, parit Os quodcūq; loquamur,  
 Hinc nos verborum dicimur esse Patres :  
 Sed profers Asinum semper tu, Tucca, loquendo,  
 Hinc Asinum possum dicere, Tucca, paris:  
 Sed par par generat, posthac quis, Tucca, negabit  
 Quod par sis Asino, quem peperisse soles?*

## Ad Postumum.

9.

*Optima mensa tibi dat fercula, pessima nobis;  
 At qua non facimus, Postume, furta facis.*

## Ad Ponticum.

10.

*Non es Causidicus, verum est; tibi, Pontice, dixi;  
 Et dixi, Iuris dogmata nulla sapis :  
 Propterea meritò quereris, sed, Pontice, parcas;  
 Non es debueram dicere Grammaticus.*



De

## De Castore, &amp; Mariana. II.

*Coniugio Mariana cupit cum Castore iungi,  
 Castor ait, thalami fœdera nolo tui;  
 Fata etenim nobis non sunt aequalia, sortes  
 Respuo, disparili conditione sumus:  
 In quo dissimiles fuerant cognoscere queris?  
 Ibla oculis fuerat debilis, iste manu.*

## Ad Ignatium furem. 12.

*Ignis es, Ignati, rapidoque simillimus Igni;  
 Devorat Ignis edax omnia, at ipse rapis.*

## Ad Poggium. 13.

*Qualia, qua scribo, sint carmina, Poggie, queris;  
 Num bona, num mala sint, Poggie, sepè rogas:  
 Sat tibi quarenti faciam sic, Poggie, crèdas:  
 Optima neue puto, pessima neue puto.*



## Philænis tumulus .

14.

*Marmora, quæ paruo tumulo pendentia surgunt,  
 Aspicias, hospes; vilia nene puta:  
 Illa finu cineres claudunt, atque ossa Philænis,  
 Quæ vultu fuerat grata puella nimis;  
 Bissenos annos nondum numerauerat, illi  
 Parca tamèn vitam diripit ante diem:  
 Nè pigeat lachrymis igitur decorare sepulchrũ,  
 Hic Venerum Risus, deliciæque iacent.*

## Homo microcosmos.

15.

*Mundus Homo, at paruus; Mundus sed maximus  
 Dicitur; hic vacuum nil habet, ille caput.*

## De Paulo Grammatico.

16.

*Grammaticã Paulus multos didicisse per annos  
 Dicitur, hanc unam calleat, & ille sapit:  
 At dandi casum nescit de casibus unum;  
 Nil etenim nobis porrigit ille manu.*

Ad

## Ad Cæcilianum.

17.

*Oro grauis recitas nobis tua carmina : narras  
 Historias paritèr, Cæciliane, grauis :  
 Et gestu grauis, & verbis grauis esse videris;  
 Sed sis febre grauis, Cæciliane, semèl .*

## Ad Amicum.

18.

*Præbueras laurum tanquàm sis magnus Apollo;  
 Sed sis Mæcenæ, aurea dona dato .*

## Ad Ponticum.

19.

*Mille sales, & mille iocos mihi, Pontice, dicis,  
 Et facis iugenuas erubuisse genas:  
 Te tamèn excusas quòd non sit, Pontice, Liuor,  
 Sed vena est, diètat qua tibi prompta iocos :  
 At quòd me sempèr ladas, & carmine carpas,  
 Non vena est, vinum, Pontice, crede, fuit.*



## Ad Lælium Leone Poetam. 20.

*Quòd Leo dicaris, Leli, cognomine, miror ;  
 Non etenim magni facta Leonis habes:  
 In Cælo facit astatem Leo feruidus, at tu  
 In terris hyemem frigidus ore facis .*

## Ad Nasutum. 21.

*Nil aliud fueras duplex nisi syllaba, naSVS;  
 Vltima sed pariter syllaba, SVS fueras.*

## Ad Cæcilianum. 22.

*Officium recitas ? quaris me sapè, rogasque,  
 At dixi quòd non, Caciliane, stupes :  
 Propterea quòd officium recitaueris ? inquis ;  
 Atque iterum quòd ? Caciliane, rogas :  
 Scilicèt officium, credas, recitauero, quòd  
 Exequias facient, Caciliane, tuas .*



## Epitaphium Euraniij Poetæ. 23.

*Hic iacet Euranius fortunatissima Vatùm  
 Gloria, Musarum Fama, Poësis Amor:  
 Vixit, & aternos meruit pro carmine plausus,  
 Et data sunt capiti plurimaserta suo,  
 Nunc cinis infelix pedibus calcatur, & illi  
 Sub tumulo nulla est Gloria, nullus Honor:  
 Virgilio Musis par sis, vel carmine maior,  
 Extremi mox te funeris hora premet.*

## Ad Postumum. 24.

*Carmina, qua scribo, carpi; nec, Pontice, miror;  
 Carpere enim facile est, scribere difficile.*

## De Aufidio, &amp; Aulo. 25.

*Musicus Aufidius cum fabro litigat Aulo:  
 Causa sub integro Iudice pendet adhuc:  
 At litem Aufidius perdet, sed vicerit Aulus;  
 Aufidius testes non habet, Aulus habet.*



## Ad Marianum.

26.

*Pralia Troiugenùm quondàm tristissima scribo,*  
*Pralia Troiugenùm tu, Mariane, rapis:*  
*Atria Romulidùm Cælo sublimia scribo,*  
*Atria Romulidùm tu, Mariane, rapis:*  
*Scrinia diuitijs Crasi pallentia scribo,*  
*Diuitias Crasi tu, Mariane, rapis;*  
*At nunc Hermogenis laqueum describere cæpi,*  
*Quo perijt trabibus pendulus ille suis,*  
*Hunc pariter nobis rapias, Mariane, rogamus,*  
*Et collo nectas vel, Mariane, tuo.*

## Ad Paulum.

27.

*Tu veteres nimiùm laudas quia, Paule, poëtas,*  
*Laudaris tamquam, Paule, poëta nouus.*

## Ad Fabianum.

28.

*Nil cuperes aliud libros nisi scribere; potum*  
*Non curas, curas nec, Fabiane, cibum:*  
*Dira fames cruciat tandem tibi guttura, libros*  
*Edere sic poteris iam, Fabiane, tuos.*

Ad

## Ad Cæcilianum . 29.

*Quid præter solitis dulcissima fercula mensis  
 Apposui ? nobis, Cæciliane, rogas:  
 Latitia tanta causa est hæc unica, verum est,  
 Audieram quòd cras funere pulvis eris .*

## Ad Fabianum de Aulo . 30.

*Et barba, & vultu semper stat pallidus Aulus,  
 Sed quare ? Vates quòd, Fabiane, vocor .*

## Ad Ponticum . 31.

*Quisq; sibi vel mille domos, sed Ponticus unus  
 In media minimum non habet Vrbe locum:  
 Propterea queritur; mittit suspiria Cælo,  
 Et sua crudeli nomine fata vocat:  
 Sed lachrymas depone tuas; pia Numina poscam  
 Quòd tibi vel saltèm, Pontice, dent loculũ.*



Amprisiĵ Epitaphium. 32.

*Hic situs Amphrisius puer est, qui vivere sēp̄r  
Crediderat, serò nouit at ille mori:  
Hinc tu, qui tumulū spectas, tua funera discas;  
Si cupis aternūm uiuere, disce mori.*

De Gellio, & Crispo. 33.

*Gellius, & Crispus gaudent simūl ire per Urbē:  
Hinc coeunt, meritò dicite, Grammatici.*

Ad Marianam. 34.

*Vltima Postumius pulsabat limina Mortis,  
Æger ad extremos venerat ille dies:  
Heredem scribi tabulis Mariana supremis  
Se cupit, agrotum tēque quaterq; rogat:  
Quid, Mariana, petis nummos, & prædia? nescis;  
Commoda parturiunt luxuriosa Cruces.*



## Ad Postumum Sales. 35.

*Carmina, quæ scribis, nullos habuere lepores,  
 Et frigent, nobis carmina quæ recitas :  
 Quos habuere sales cognomina, Postume, labris  
 Quàm cuperes illos nunc habuisse tuis?*

## De Aufidio, &amp; Faustino. 36.

*Dixerat Aufidio Faustinus, viuere dulce est:  
 Dulcius, Aufidius dixerat, est bibere.*

## Ad Ignatium Cerra. 37.

*Nomine masculeo, cognomine diceris idem  
 Fæmineo, misces vnus utrūque genus:  
 Hinc qui diuersi generis vocabula iungis,  
 Nèc mihi grāmaticus, nec literatus homo es.*



Ad

## Ad Charinum,

38.

*Nobiscum certas utrùm meliora probentur  
 Carmina qua facimus, quaq; Charine, facis:  
 Ast ego nè possim ulterius contendere, dicam:  
 Qua mea sunt, mala sunt, qua tua sunt, bona  
 (sunt.*

## De Diana puella.

39.

*Tota Diana foret, nisi dispar hoc foret unum,  
 Tres habuit vultus illa, sed ista duos.*

## Ad Tullium.

40.

*Carminibus nullū laudas, tamèn invidus omnes  
 Ingrato, Tulli, carpere dente soles:  
 Hinc mihi, sed multa, Tulli, ratione videris  
 Neve poeta bonus, neve poeta malus.*



Ad

## Ad Ponticum.

41.

*Corporibus longus, naso quoq; Pontice, longus,  
 Longus es eloquio, longus es historijs:  
 Si scribis, longos versus, & carmina scribis;  
 Si gaudes, paritèr gaudia longa facis:  
 Omnia longa tibi si sunt, quis, Pontice, credet  
 Quòd non ad furtum sit tibi longa manus?*

## Ad Postumum.

42.

*Quid statuas simulas immoto corpore? quero,  
 An statua dignū est, Postume, quidquid agis?*

## Ad Harpalum.

43.

*Quòd mea dilaceras liuenti carmina morsu,  
 Quòd mea tartareo carmina felle repleas,  
 Quòd mea distorto fastidis carmina naso,  
 Rideo, nec dentes, Harpale, curo tuos.*



De

## De Paulo .

44.

*Æger erat, morboq; grauis, me Paulus amavit,  
 Et voluit semper Paulus habere domi:  
 At nunc conualuit, sed me fastidit, & odit,  
 Et voluit nunquam Paulus habere domi:  
 Sic me nè posthac contemnat, Numina votis,  
 Ægrotet morbo vel grauiore, rogo .*

## Ad Eunnium Lazaro .

45.

*Qui tibi cōtribuit cognomina Lazarus, Eunni,  
 Ulcera debuerat contribuisse sua .*

## Ad Lælium .

46.

*Disticha tu scribis, sed nos tetrasticha, Leli,  
 Ista tamèn carpis dente, sed illa probas:  
 Non miror, Leli, quòd non tetrasticha laudes,  
 Hoc miror, tua quòd disticha sola probes .*



De

## De Gallo diuite.

47.

*Gallus habet quidquid voluit Paetolas arenis  
 Aureus, & quidquid claudit Erythra sinus:  
 Plura tamen poscit, non est contentus, & aurum,  
 Quod nimium fuerat, credidit esse parum:  
 Scilicet humanis finem praefigere rebus  
 Difficile est: animus nil putat esse satis.*

## Ad Paulum.

48.

*Quid scribã, semper dicis mihi, Paule, fatebor  
 Crede, tui scribo cornua fœda patris.*

## Ad Iulium.

49.

(Iuli,

*Quid Leo? quid Gladius faciunt tibi stemmata,  
 Vnguibus ille ferox, ictibus iste minax?  
 Nosco: sed hoc unum vitæ pro crimine vellem,  
 Te gladius feriat, te Leo dente voret.*



B

Ad



## Ad Cinnam.

50.

*Qua tibi clara domum decorāt insignia, nosco,  
 Et gentilitij stemmata, Cinna, tui:  
 Dura Columna nitet varijs circumdata flāmis,  
 Stemmata flāma facit, dura Columna facit:  
 Scilicèt ( euentu fiat res clarior, opto )  
 Vsserit illa domum, fregerit ista Caput .*

## Ad Cæcilianum Cannauaccio . 51.

*Cannabis adstringit tibi qua cognomina, collū  
 Stringere debuerat, Cæciliane, tuum .*

## Ad Sempronium.

52.

*Sub quo sis ortus, Semproni, sidere, poscis  
 Astrologos, nec non consulis Astronomos :  
 At Veneris fueras natus sub sidere, nobis  
 Luxuries monstrat, fœda libido notat.*



Ad

## Ad Paulum Oratorem.

53.

(Ignis  
*Quod Fulgur, quod Virga fuit, quod feruidus  
 Antoni nimium lingua beata probas,  
 Sed Virgā, et fulgur tibi dei pro munere, et ignē,  
 Conueniunt meritis hæc tria, Pante, tuis:  
 Scilicet exarat tibi viscera fulgur & ignis,  
 Atque humeros fædo verberare Virga premas.*

## Ad Paulinum.

54.

*Et lapidem, & montē cūm tu, Pauline, loquaris,  
 Esse tuum durum debuit eloquium.*

## De Marco, &amp; Osca.

55.

*Ecchlesia sacras ades, & limina templi  
 Sacrilegus subijt Marcus, & Osca latro,  
 Virginis effigiē Marcus pede proterit; Osca  
 Diripit indigna manera sacra manu:  
 At dederunt meritas tanto pro crimine pœnas:  
 Non habet iste manus, non habet ille pedes.*

## Ad Postumum. 56.

Prædia plura tibi, fateor, sunt, Postume; surgit  
 Mille tibi in media, quis neget? Urbe domus:  
 Arca tibi claudit sestertia plurima, verum est:  
 Vel te pauperior, Postume, Cræsus eras:  
 Pulchra tibi coniux veluti Cythereia vultu,  
 Pulchra tibi soboles pulchra nouerca tibi est:  
 Sed sint plura licet tibi, Postume, plurima desunt;  
 Nam tibi frons non est, Postume, neue pudor.

## Ad Librum suum. 57.

Nil fueras, vitam tribui: post flebile funus  
 Nil ero; sic Vitam da mihi, parueq; liber.

## De Postumio. 58.

Postumius teneri flammæ descripsit Adonis,  
 Et Veneri nimum dulce sacrauit opus:  
 Non Veneri tamèn ille librum, sacrare marito  
 Sed Veneris librum debuit ille suum.

Ad

Ad Cæcilianum,  
Qui montes facit in stemmate. 59.

*Terrigena Cælo montes posuere Gigantes,  
Imperium vellent cum rapuisse Ioui,  
Sed frustra: vires etenim periere; trifurco  
Fulmine collapsa est machina fracta solo:  
Nunc illis securus foret Victoria, Cæla  
Admoueant montes, Cæciliane, tuos.*

De Paulo. 60.

*Omnia vendiderat populo, sed vendere Paulus  
Vna sue frontis cornua non potuit.*

De Castore, & Paula coniugibus. 61.

*Vna dies laci dederat cum Castore Paulam,  
Vna maxitatis ianxit utrumque dies:  
Vna dies geminos fetus quoque suscipit; Ergo  
Vna dies videat funus utrumque, rogo.*

## Ad Einum Buonacore. 62.

*Si tua spectamus cognomina, iure fatetur,  
 Qui, Line, te dicit cordis habere satis:  
 At si spectamus mores, vel iure fatetur  
 Qui, Line, te dicit cordis habere nihil.*

## Ad Fabianum de Paulo. 63.

*Aegrotat Paulus, si nos, Fabiane, valemus;  
 At valet, aegroti si, Fabiane, sumus.*

## Ad Simplicianum. 64.

*Ridiculis miscet Paulus dictoria verbis,  
 Et lepidos lusus narrat, & ille iocis:  
 At si me videat, toto pallefcere vultu  
 Cernitur, & cessat pessima verba loqui:  
 Non ego desineret, vellem, dictoria, vellem  
 Desineret vitam, Simpliciane, suam.*



## Ad Potorem innominatum. 65.

*Nescio qua fuerint tibi nomina: diceris ergò  
Mutius, an Cæsar? Fulvius, annè Cato?  
Ex istis nullum par est tibi nomen; at uno hoc  
Incipiant posthàc dicere te Bibulum.*

## Augustini tumulus. 66.

*Augustus fuerat viuendo, nomina monstrant:  
Augustus nunc est, marmora parua docent.*

## Ad Bythinnicum. 67.

*Plura facis, causas agitas, Bythinnice, iudex;  
Astrologus populos fata futura doces;  
Grammaticus, Rhetorq; capis, Bythinnice, lacrã,  
Grammaticas Artes, Rhetoricasque doces:  
Plura licèt facias, verùm tamèn hoc facis vnũ,  
Astrologusque rapis, Grammaticusque rapis.*



## Canis Epitaphium. 68.

*Hic ubi compacto tumulus de marmore surgit,  
 Et stant de phario parvula saxa iugo,  
 Ossa Cavis, cineresque Canis capit urna, gemēti  
 Qui fuerat Domino nobile delictum,  
 Attamen admisit scelus hoc (nam debuit) unum,  
 Noluerat Dominum dilacerasse suum.*

## Ad Ponticum. 69.

*Sordida quod scribas qui, Pōtice, dixerit errat:  
 Nil etenim scribis, candida cartha tua est.*

## Invidia de marmore. 70.

*Invidia fictos de marmore cernite vulnus;  
 Nobilis eximia visit ab arte labor:  
 At cur dure scat lapidi par illa, rogatis?  
 Carmina, qua scribo, vidit, & obrigit.*



## Ad Laurentium furem. 71.

*Non tibi debuerant Laurentis nomina poni,  
Sed tibi Laurentis debita pœna foret :  
Ille ignem lateri subiectum sentijt ; at tu  
Subiectum manibus cum ratione meres.*

## Ad Paulum. 72.

*Quod facias, nihil est ; superest hoc attamen unũ,  
Iam te suspendas de trabe, Paule, velim.*

## De Soccinna. 73.

*Causidicus fuerat, nunc est Soccinna colonus,  
Qui coluit legum dogmata, rura colit :  
Rastra tenet, tenuit qui laurea rostra ; forenses  
Orator causas egit, Arator eget :  
Fortuna ne fide tua qui legeris isthac,  
Illa etenim variat mobilitate vices.*





## Floræ tumulus . 74.

(107)

*Quid lachrymas tumulo spargis, peregrine Via-*

*Quid cineres, aut quid fletibus ossa rigas?*

*Quid vacua misisse iuvat suspiria Cælo*

*Irrita? quid nimium barbara fata vocas?*

*Hoc extincta iacet pulcherrima Flora sepulchro,*

*Flora iocus Venerum, dulcis Amoris Ambr:*

*Pone modum lachrymis, nec turbes funera fletu;*

*Vita etenim solita est floribus esse brevis.*

## Ad Postumum. 75.

*Edideras apros nupèr, sed, Postume, crudos:*

*Sic Apros intèr, Postume, Porcus eras.*

## Ad Lælium de Castore. 76.

*Causidicus Castor legum, iurisque peritus*

*Dicitur, & lites ingeniosus agit:*

*Ille tamèn, credas, Læli, de legibus unam*

*Corneliam legem novit, adulter erat.*

Ad

## Ad Iulium.

77.

*Quid facerē, deerat; scripsi de more Camænas,  
 Et paruos dulci non sine felle iocos :  
 Accipias ergò grato pro munere, Iuli,  
 Edacuit Phœbus qualiacumque Deus :  
 Neve dedisse velis munus pro munere ; nobis  
 Sat dederis, si tu carmina nostra leges .*

## Ad Bythinnicum.

78.

*Dona eboris poscis semper, Bythinnice, mittam  
 Mox tibi non eboris dona, sed ellebori .*

## Sui Sæculi lachrymæ.

79.

*Quinimum Sortis deliria caca ! videmus  
 Anchasonos nostro tempore nosse satis :  
 Vera iacet nullo cultu despecta Pœsis ;  
 Optima qui scribunt carmina , laude carent :  
 Non Virtus hodie, sed ferica vestis, & aurum,  
 Aut pueri vultus dat sapuisse nimis .*

Ad

## Ad Alanum militem potorem. 80.

*Dicris Alcidi quod par sis robore, nosco :*

*Nec tibi, quod tribuit vulgus, Alane, nego:*

*Ille mari metas potuit præfigere : sed tu*

*Nunc metas pariter figis, Alane, mero.*

## Ad Marsum. 81.

*Literulam primam toto de nomine tollas,*

*Sic Arsus fies nomine, Marsus eras.*

## Ad Crisconium. 82.

*Cum mihi, Crisconi, nuper conuina fuisti,*

*Visa tibi non sunt fercula mille satis :*

*Et lepores, & aues, cernosque, aprosque vorasti;*

*Sed tibi nunc pestis deuoret atra gulam.*



## Ad Cæcilianum. 83.

*Diceris Astrologus, Geometra diceris idem,  
Sed nec Grammaticam, Cæciliane, sapiſ:  
Hinc dicā, & merito, malus es Geometra & idē  
Grammaticus peior, peſſimus Astrologus.*

## Ad Maurum Poetam. 84.

*Non Maurū dicā poſt hęc te, Maure, ſed Aurum,  
Aurea nam ſunt quę carmina, Maure, facis.*

## De Paulino. 85.

*Funeris extremi Paulinus venit ad horas,  
Heredem fratrem ſcripſit, & ille ſocrum:  
Quid tamēn heredi liquit viſ noſcere? febrim  
Dimidiam fratri, dimidiamque ſocro.*



De

De Neapolitano SS. Petri, & Pauli  
templo. 86.

*Hic ubi sidereo fumant altaria Cælo ,  
Et dat Parthenope plurima vota Deo ,  
Tartarei fratres steterant cum Castore Pollux,  
Atque Erebo populus cum prece thura dabat;  
At nunc irradiant latè, Petro auspice, cultu,  
Et propius crescunt addita templa polo :  
Vnaque Religio sedem hinc sibi postulat; & sunt,  
Perfidia iam que templa fuere, Dei .*

Ad Paulum militem pusillanimum. 87

*Quod sis Romanus non possum credere, monstrat  
Ultima enim duplex syllaba, Panle, manus.*

Veneris, & Amoris statua. 88.

*Pulchra Venus labor est, quæ vos spectatis, et illi  
Iunctus Amor comes est, nobilis arte puer :  
Absistas qui cernis opus, ferit illa sagittis,  
Hic facibus, cæco vulnere quemque domant.*

De

## De Paulo Grammatico. 89.

*Grāmaticus nouit nisi verba sequentia Paulus,  
Accipio, rapio, verbero, caedo, neco:  
At mox cognoscet vel plurima nomina, quae sūt  
Remus, et Vnda maris, uulnera, mors, laqueus.*

## Ad Poetam quendam. 90.

*Optima quae scribis tua sunt Epigrāmata; sed te  
Dum laudas, non sunt optima, pessima sunt.*

## Ad Ponticum. 91.

*Rasa pilo splendet facies tibi, Pontice, nosco;  
Vis dicam tamē id qua ratione facis?  
Non quia ciuiles mores, & dogmata seruas,  
Sed quia luxuries, teque libido vorat.*



## Ad Simplicianum. 92.

*Quid quereris mecū quod paruula munera misi,  
 Cū tibi misissem, Simpliciane, togam?  
 Pone, precor, lachrymas; iustissima nostra querela  
 Cū nobis dederas, Simpliciane, nihil. (est,*

## Ad Ebriardum. 93.

*Par, Ebriarde, tibi nomen fuit; ebrius ardes;  
 Et recalent nimio pectora plena mero.*

## Ad Sempronium. 94.

*Disticha, Semproni, scribo, tu disticha scribis,  
 Et Musas tentas vincere posse meas:  
 Sed labor hic tenuis fuerat, neue ardua res est:  
 Vis mecum posthac scribere? scribe librum.*



Ad

## Ad Cæcilianum.

95.

*Pauper erat, nobis mittebat munera; dives  
Nunc est, & nobis mittere dona negat:  
Vel mittas nobis dives quoque munera, pauper.  
Vel fias iterùm, Cæciliane; decet.*

## Ad Lælium.


96.

*Vitruuij de stirpe genus deducimus omnes;  
Quale vitrum, Læli, frāgimur, & morimur.*

## De Aufidio.

97.

*Aufidium spectā: sunt omnia maxima, dices:  
Maximus est vultu, maximus ille genis:  
Maximus est oculis, pedibus quoq: maximus, unū  
Attamèn est minimum, dixeris, ingenium.*





## Vita humana. 98.

*Nascimur, & nati vitali pascimur aura;  
 Funus adest, aura deficiente leui:  
 Sic res humanas voluit Natura iocari;  
 Nil nisi mortales ventus, & aura sumus.*

## Diuitis tumulus. 99.

*Diues eram, tumulum subij, nil profuit aurum,  
 Nec Mors attalicas barbara curat opes.*

## Ad Gelliam. 100.

*Gellia, mentitur Venerem qui dixerit vnam,  
 Et qui tres Charites dixerat esse Deas:  
 Maiestas diuina tuo stat Gellia vultu,  
 Hinc Charis es, dicā, quarta, secunda Venus.*



## Ad Fabianum.

101.

*Quantumuis reddat plenos Vindemia Censur,  
 Quantumuis repleat dolia, mille cados;  
 Quantumuis calido fument centena falerno  
 Vasa, vel ambrosio pocula plena mero:  
 Siccabis cyathos, siccabis vasa, falernum  
 Deficiet, biberis si, Fabiane, semel.*

## Aufidij Obitus.

102.

*Moribus Aufidius fuerat Sol, occidit undis;  
 Conuenit, haud aliter debuit ille mori.*

## De Tuca Poeta.

103.

*Se Vatem iactat, dicit se Tuca Poëtam;  
 Monstratur digitis, ingeniosus homo est;  
 Spirituale facit carmen, non ille profanum;  
 Nulla etenim video carmina, nulla facit.*



## Ad Eunnum adolescentem. 104.

*Vnguento crines madidus nar doque capillum  
 In media resides pulcher in Vrbe puer;  
 Non sic fulget ebur, non sic intermicat aurum;  
 Sythonia non sic emicuere niues:  
 Qui te conspiciunt, vultu rapiuntur, & ardent;  
 Multa verecundo ludit in ore Charis:  
 O quantum dulcis nides perfusus aenomo!  
 Lingua so!æcismum fecerat, Eunne; nites.*

## Ad Marianum de Tuca. 105.

*Omnia Tuca sapit, sapit omnia Tuca, fatemur:  
 Nam qui cuncta sapit, nil, Mariane, sapit.*

## Ad Cæcilianum. 106.

*Aurea quòd mediam te portet rheda per Urbem,  
 Nil me, nil fateor, Caciliane, iuuat,  
 At qua pro rheda debes mihi millia soluas;  
 Hoc unum, fateor; Caciliane, iuuat.*

Ad

## Ad Auitum.

107.

*Mors tibi contingat fortunatissima, sero  
 Illa gradu videat limen, Auite, tuum:  
 Post cineres tardos, & tempora longa resurges  
 Nobilior, pariet premia digna cinis:  
 Non totus puluis, sed magna ex parte superstes  
 Incipies Patribus viuere, Auite, tuis:  
 O mihi fortunet votum inclementia Parca,  
 O Desiderium fata benigna sinant.*

## De Fratribus.

108.

*Qui sint hi pueri cognoscere quaris? Amorùm  
 Sunt Plausus, Veneris Gloria, flamma mei.*

## Ad Lælium.

109.

*Optima, quæ scribo, mea sunt Epigrammata, Læli,  
 Sed tua sunt, Læli, pessima, neuè placent:  
 Scilicèt ista tibi dictat malefana Libido;  
 At nos, quæ facimus, pura Thalia docet.*

## Militis tumulus. I 10.

*Quisquis es, exiguū tumulū venerare, Viator,  
 Sub tumulo magni militis ossa iacent:  
 Belligeri Martis certamina dura sequutus,  
 Quae streperent duro, sentijt arma, sono:  
 At nunc extincto da, Hospes, pia munera Pacis,  
 Post strepitum cineri sit sinè lite quies.*

## Ad Cœsarem. I 11.

*Cœsar es à cædo; nam pessima crimina carpis,  
 Et calamo cædis pessima facta tuo.*

## Ad Flaccum. I 12.

*Quid prosūt, dicit nobis, Epigrāmata? Flaccus:  
 Paruula sunt; magnum scribere prestat opus:  
 Paruula sūt, sic est, Epigrāmata, Flacce, fatemur;  
 Non tamèn exigui sunt opus ingenij.*



Ad

## Ad quendam de suo stemmate. 113.

*O cui sub patrio Leo stemmate substinet alas,  
 Et petit atherias fortis ab ungue domos,  
 Stemma tuum concede, precor, rabidūq; Leonē,  
 Qui pennas poterit contribuisse suas:  
 Sic mea Fama sibi geminas aptaverit alas,  
 Et notum fiet nomen in Orbe meum:  
 Sic paritèr nostras Leo proteget ungue Camæ-  
 Et Vates fuero tutus ab inuidia. (nas,*

## Ad Coquum, &amp; Poetam. 114.

*Et Coquus, & Vates fueras, & diceris idem,  
 Sic tibi lingua sapit, sic sapit ingenium.*

## Ad Sabellium. 115.

*Quæ pateris, lato vultu patiare, Sabelli,  
 Et placidè accipias tristia quæque velis:  
 Nam qui nūc patitur Fortuna vulnera, & iras,  
 Cras idem Risum sentit, & ille iocos.*

## Ad Postumum Poetam. I 16.

*Cum verum dicas scribendo, Postume, credis,  
 Quod nec habes similem, Postume, neue parè:  
 Deciperis tamèn, id credas mihi, Postume; nam  
 Veridicis peius Vatibus esse potest. (nil*

## Ad Fabianum Muscani. I 17.

*Et Mus, & Canis es; monstrant cognomina; sed  
 Te rodat, laceret te, Fabiane, Canis. (Mus*

## Ad Lectorem de suis libellis. I 18.

*Si placui scribendo iocos ne carmina laudes,  
 Sed laudes, vellem, qui docet illa, Deum:  
 At si displicui, Lector studiose, memento,  
 Quod vel Virgilius carmine displicuit.*



## Antiochi tumulus.

119.

*Si quis funereo tumulum de marmore spectas,  
 Qua mōstrat tumulus, carmina parva legas:  
 Hic iacet Antiochus toti notissimus Vrbi,  
 Cui dederant patrias regia iura togas:  
 Propterea qui lege reos defenderat, unum  
 A tumulo se defendere non potuit.*

## Ad Lælium del Viuo.

120.

*Viuus es, id constat, Lali; cognomina monstrat;  
 Mortuus es, Lali, monstrat & officium.*

## Ad Paulinum.

121.

*Quos mihi misisti, gratissima munera, legi  
 Purpureosq; libros, laurigerosque libros:  
 At tibi, quos legeres, pariter, Pauline, remisit  
 Dexterâ nostra iocos, dextera nostra sales.*



Ad



## Ad Cæcilianum. 122.

*Optima quæ fuerint, vel pessima carmina nescis;  
Sed laudas Vates, Cæciliane, tamèn :  
Miramur, sic laudas enim Demosthena Caupo,  
Causidicum Sutor, Bibliopola Coquum.*

## Ad Casteliardum. 123.

*Castus es, & Cæli flammis ardescis; utrumque  
Nominibus monstras, Casteliarde, tuis.*

## Ad Maximianum. 124.

*Si fortassè tibi sestertia mutua posco,  
Te surdum precibus, Maximiane, facis :  
At quid reddiderim, credis, pro talibus ausis?  
Sis verè surdus, Maximiane, velim.*



## Nestoris pueri tumulus. 125.

*Hoc iacet exiguo sub marmore Nestor humatus,  
 Da lachrymas, lachrymas mæsta sepulchra  
 Antè diē cecidit fato ingulatus acerbo; (merēt  
 Hebdomadas etenim viderat ille duas:  
 Perdidit & lucē, quam vix cognoverat Infans,  
 Perdidit, & quem vix novit amare, patrem:  
 Scilicèt & vita, & tumulus res una faciē dū est  
 Quòd sint; en subito nascimur, & morimur.*

## Ad Iulium. 126.

*Tu sempèr carpis, Iuli, mea carmina, nosco:  
 Ast ego neuè semèl carmina carpo tua.*

## De Flacco. 127.

*Cæcuba cūm peterē à Flacco, vel dulce falernū,  
 Ille dedit multa non sinè fœce merum:  
 Propterea nostro cecidit ingulatus ab ense,  
 Et pro fœce habuit cum ratione necem.*

## Poetæ tumulus . 128.

*Conditur hoc paruo tumuli sub marmore Vates,  
 Qui calamo fuerat rarus, & ingenio ;  
 Carminibus Phæbo placuit, Phæbique cohorti,  
 Et Musis; multùm deliciosus erat :  
 Displicuit cruda Lachesi tamèn, occidit; & nūc  
 Umbra iacet, pedibus proteriturque cinis:  
 Da lachrymas, tristesq undas diffūdere par est;  
 Vati enim placuit Castalis unda nimis .*

## Ad Ollum. 129.

*Mutua quasiui sestertia, & Olle, negasti;  
 Nunc eadem quaris mutua, & Olle, nego.*

## Ad Sabinum. 130.

*Romanus fueras, Sabine, nosco ;  
 Atque idem fueras, Sabine, latro:  
 Sed pro sacrilegis, Sabine, noxis ,  
 Te Romæ Lupa deuoret, rogamus.*

Ad

## Ad Fabianum.

131.

*Cernis ut assiduis surgant incendia flammis,  
 Crescat, & è medio plurima flamma rogo?  
 Credideris rabidus quòd sit, Fabiane, Veseus;  
 Aut quòd sit facibus vasta Chimara suis;  
 Sed cur ardescant ardentibus ignibus Ignes  
 Quæsieris, vel cur ardeat ille focus?  
 Aduertas, dicam, nec sunt mendacia, credas:  
 Te manet ille ignis, te manet ille rogas.*

## Ad Bythinicum.

132.

*Poscis carmina, sed nihil Poeta  
 Das, Bythinice; dixerim proinde,  
 Amas carmina, non amas Poëtam.*

## Ad Ponticum.

133.

*Grāmaticus bonus, & Logicus, tibi, Pōtice, dixi,  
 Optimus es; quare, Pontice, sæpè doles:  
 At ne displiceam posthàc tibi, Pontice, dicam:  
 Grammaticus malus es, pessimus es Logicus.*

Ad

Ad Pi<sup>ct</sup>orem Veneris. 134.

*Pi<sup>ct</sup>or Acidalios vultus, Venerisque figuram  
 Pinxerat, in paruo fragmine spirat opus:  
 At non addiderat felix industria flammam,  
 Quae armata Cypris pectora nostra vorat:  
 Sic uno geminata Venus discrimine visa est;  
 Sed quò nil desit, sedulus adde faces.*

## Ad Emanuelem. 135.

*Diceris Emanuel res est notissima; sed qui  
 Grammata neuè doces, grammata neuè sapis.*

## Ad Crisconium. 136.

*Quid mea, Crisconi, tibi pagina displicet? et cur  
 Auersum è nostro carmine lumen habes?  
 Non sic gorgoneū tremulus puer aufugit anguē;  
 Vt tu, Crisconi, carmina nostra fugis:  
 Quid tibi? quid faciā tanto pro crimine, credis?  
 Vt nunquàm videas, inspiciasque, velim.*

Ad

## Ad Iosephum Leporem. 137.

*O qua grata tuis residet facundia labris!  
 O quod ab ambrosio defluit ore melos!  
 Quale decus fandi! loqueris qua mella! liquores  
 Nectareos, Ioseph, attica lingua sapit:  
 Cur ergò Leporem te iam dixere? Leporem  
 Te patres potius dicere debuerant.*

## De Alexandro Seuero. 138.

*Nominibus rigidus, iucundus moribus idem est:  
 Sic vnus populis displicet, atque placet.*

## De Paulo. 139.

*igneus afflatu terrebat Syrius Orbem,  
 Et dabat ignito feruidus ore faces:  
 Aer anhelabat sua viscera tortus ab aestu,  
 Hinc liquidus nostro sudor ab ore fluit:  
 Sed postquam cœpit nobis sua carmina Paulus  
 Dicere, temperiem feruidus aestus habet.*

## Ad Fabianum.

140.

*Hic ubi cum pueris viuo praeceptor, & illos  
 Edoceo, faciam quid, Fabiane, rogas:  
 Horarum fuerint nobis qua munia, poscis;  
 Et qua sit studij grata Palæstra mei.  
 Distingui quæris discrimina cuncta laborum,  
 Officij finem, principiumque petis.  
 Aduertas, ultrò paucis hæc omnia dicam,  
 Et bellè referam quòd, Fabiane, cupis:  
 Quæ nos exercet sola est, atque una fatigat  
 Manè, diu, nocturn, vespere dira fames.*

## Ad Postumum.

141.

*Omnes te dicunt Vatem, me, Postume, nullus;  
 Plurima ego, sed tu carmina nulla facis.*

## Ad Iulium Rossi.

142.

*Nasceris, & natum, Iuli charissime, Patres  
 Nomine te faciunt erubuisse tuo:  
 Quos ambis Fortuna negat crudelis Honores,  
 Sic vultu te sors erubuisse facit.*

CHRI-

## CHRISTVS de Cruce. 143.

*Cernitis exanimem duro de stipite Christum,  
 Vulnera perque manus, vulnera perq; pedes?  
 Heu dolor! beu Cælo nimiũ lachrymabile funus!  
 Innocuus subjct tristia fata Deus:  
 At que spectatis, nobis dant vulnera Vitam,  
 Et fluit è Christi sanguine nostra salus.*

## Ad Iulium de Mariana. 144.

*Cur Mariana viro, Iuli, non nupserat ulli?  
 Omnibus. ut nubat sic Mariana viris.*

## Ad Lælium. 145.

*Historias quidam, Iuli, scripsisse cupibat,  
 Ignati cœpit scribere gesta Patris:  
 An non id merito factum est? Ignatius unus  
 Materies carthis debuit esse suis.*





## De Afra.

146.

*Norma Pudicitiae, Rectique Exemplar, Honesti  
Regula per medias creditur Afra vias;  
Composito vultu procedit & ore per Urbem:  
Nulla unquam visa est casta puella magis:  
At tamèn Afra domi malefana videtur Alecto;  
Non ille est zeus, crede, sed Hypocrosis.*

## Agatha, &amp; Lucia meretrices. 147.

*Illæ meret ferro mammas habuisse recisas;  
Effossos oculos hæc habuisse meret.*

## Ad Eunnum Musicum. 148.

*Musicus es, fateor, sic est, num nobilis? erras:  
Te vilem vel vox Musicus, Eunne, notat:  
Sume caput, mus, fædus eris; procùl abijce vètrè,  
Et caput, & caudam congere, Mucus eris.*



## Inuidiæ tumulus.

149.

*Hic stant Inuidia cineres, atque ossa, Viasor,  
 Ad risus cecidit contumulata meps :  
 Sed nullas lachrymas, nullos dent lumina fletus,  
 Ad gemitus iterum vixerit illa tuos.*

## Donatus.

150.

*Dic, rogito, qua dona tuo sub nomine claudis,  
 Accipere, an potius contribuisse soles?*

## Ad Marianum Poetam.

151.

*Iblachrymas totis sempèr, Mariane, diebus,  
 Quòd cacus fueras, barbara fata vocas:  
 Pone tamèn lachrymas : duo si Natura negavit  
 Lumina, mille tibi lumina Fama dedit .*



## De Paulo cognomine Vrso. 152.

*Sabripuit nobis centum sestertia Paulus,  
 Et sigetes medijs perdidit ille focis;  
 Ense mei famuli iugulum perfodit iniquo,  
 Et pueros verbis, verberibusq; ferit: (strāt,  
 Quas dederit pœnas pro crimine? nomina mon-  
 Qui laceret corpus dentibus, Vrsus erit.*

## Ad Paulum. 153.

*Quasiui librum, sed nil mihi, Paule, dedisti;  
 Nil quaram, librum sic mihi, Paule, dabis.*

## Virtus, &amp; Honor. 154.

*Coniugio stabili Virtus sibi iunxit Honorem,  
 Sic genus optarant multiplicasse suum:  
 Qualia connubia! ò quales celebrāt Hymenaos!  
 Quid peperere, rogas? heu! scelus! Inuidiam.*



## Ad Lælium Dialecticum. 155.

*Quid strepit assiduo, Leli, clamore Lycaum ?  
 Atria quid resonant vocibus ieta tuis ?  
 Exclamas semper, componi Ceruus, & Hircus ?  
 Re nequeunt; atque hoc nec Deus ipse potest:  
 Deciperis; nam tu Ceruum coniungis, & Hircum,  
 Et varium misces unus utrumque genus:  
 Quòd Ceruus fueras, leuitas tua mōstrat: at Hir  
 Quòd sis, qua gestas cornua frōte notāt. (cus*

## Ad Postumum. 156.

*Perdere te dicis quidquid mihi, Postume, donas:  
 Perdere non est hoc, Postume, crede, lucrū est.*

## Fabricij tumulus. 157.

*Ne strepites quicumque vides fatale sepulchrū,  
 Nec minimum faciat garrula lingua sonū:  
 Hic stat Fabricius, qui vel post funera, puluis  
 Sit quamuis, animo cogitat astra suo:  
 Viuendo comites omnes fastiderat, illi  
 Vna comes fuerat candida Religio.*

Ignatij tumulus. 158.

*Aspice de pharijs frigentia marmora saxis,  
 Et qui stat tumulus par, similisque nivi,  
 Hic puer, ah facinus! fidus est Ignatius, Infans  
 Qui fuerat patris cura, dolorque sui:  
 Nec tamèn id credas, hospes: nam feruidus ignis  
 Non bene cum niueo marmore conveniunt.*

Ad Paulum Romano. 159.

(Strat

*Quæ, Romane, manus tibi dat cognomina, mō-  
 Quòd fur sis; sunt pessima furta manu.*

Ad Postumum. 160.

*Nescio, qua recitas, num sint tua carmina: Vate  
 Hinc te nec dico, Postume, nenè puto:  
 Qui mihi sit Vates, vis noscere? Postume, dicā:  
 Ansè oculos quisquis carmina mille facit.*



## Suprà Fontem.

161.

*Quos hìc dulcifluos placido pede currere fontes,  
 Et fluere arguto murmure cernis aquas,  
 Instituit Paulus non ultima fama Mathesis,  
 Qui certa Caeli sidera lege notat:  
 Perpetuò refluent, fontesque, & flumina cursum,  
 Vixerit aeterna vitreus amnis aqua:  
 Si deerunt alijs lymphaque, undaque fluentis,  
 Hac est, quo possis fonte levare sitim.*

## Ad Ennium de Ollo.

162.

*Qui cunas habuit signo sub Virginis, Enni,  
 Cur non & mores Virginis Ollus habet?*

## Ad Iulium de suis versibus.

163.

*Quid flammis, & aquas versu coniungis eodem?  
 Quid prodest undis censociare faces?  
 Scilicet unda probat tua frigida carmina, Iuli;  
 Flamma notat tribui carmina digna focus.*

Ad Lælium,  
Cui Author suum libellum purpureo  
regmine compactum miserat. 162.

*Mittimus Aonio, Lali, de monte libellum;  
Volve verecunda qui tibi fronte venit:  
Erubuit, vultumque pudor fœdavit honestum,  
Indignum manibus se putat ille tuis.*

Ad Fabium. 165.

*Totus es ingenium, de te mihi sufficit unum  
Hoc dixisse, sat est; totus es ingenium.*

Ad Lectorem de suis libellis. 166.

*Quid refugis nostros, Lector, legisse libellos?  
An quia vipereo carmina felle madent?  
Fel habeant, fas est; Lector, legisse libellos;  
Ludunt, non ladunt carmina quaque leges.*



De

## De Lucretia.

167.

*Sacula non Hecubā posthāc Niobemq; stupefiant;  
 Illa Canis fuerat, frigidus ista lapis:  
 Ignibus exposuit medijs Lucretia naros,  
 Ista canis verè est una, eademque lapis.*

## Ad Lentinum.

168.

*Quid tibi Lentini sunt nomina? munera nobis:  
 An quia promittis, sed dare lentus eras?*

## De Vate amico.

169.

*Quattuor enumerat fortunatissimus œno  
 Lustra puer, videat plurima lustra, velim,  
 Carminibus, Musisque dies, & tempora fallit  
 Phœbea multum doctus ab arte lyra:  
 Æterna sunt digna Cedro, plausuque perenni,  
 Quæ recitat nobis carmina, quæque canit:  
 Quod meruere decus longo post tempore Vates,  
 Emeruit lustris quattuor iste puer.*

Ad



## Ad Lælium de suo stemmate. 170.

*Stemmate quid patrio triplex globus emicat? orbis  
 Quid gentilitio multiplicasse iuvat?  
 Scilicet Augustas laudes, fama que triumphos  
 Vnus, qui caperet, non satis Orbis erat.*

## De Aufidio. 171.

*Discere Gallorum literas, & grammata cœpis  
 Aufidius, paruo tempore Gallus eris.*

## De Sempronio. 172.

*Fulmina quis generet, qua Cœli parte creantur,  
 Quis pluvia, vel quis grādinis Author erat,  
 Quid facit Boliæ animas, scænosque Comatas,  
 Quid rigidam valeat composuisse gelu,  
 Edidicit multos annos Sempronius, unum  
 Hoc sapuit, fiant qua ratione nives.*



Ad

## Ad Charinum de Farselio. 173.

*Vultu tristior, & nimis molesto,*  
*Et supercilio Catoniano,*  
*Vultu squallidus, horridusque vultu,*  
*Et prater solito dolore mæstus*  
*Ibat Farselius, Charine; causam*  
*Quæris noscere? viderat libellos*  
*Quòd quidam legeret, daretque plausus,*  
*Et nostros nimium iocos probaret;*  
*At pœnas dederit, lætæque pœnas:*  
*Opus dignius, eruditiusque*  
*Scribam, sic magis invidus dolebit.*

## Ad Paulum. 174.

*Gemmati sunt, quos tangunt fulmina, montes:*  
*Natura leges, certæque iura docent:*  
*Sic tu, dum loqueris de fulmine, Paule, videris*  
*Aureus eloquio gemmea verba loqui.*



Ad

## Ad Lupercum. 175.

*Rhetor diceris optimus, Luperce,  
 Bonus Grammaticus, bonus Pœta;  
 Hoc est, confiteor, Luperce, verum;  
 Sed noscas benè Syncopen, rogamus,  
 Figuras reliquas, Luperce, nosti.*

## Pollio Gallus. 176.

*Pollio Romanus fuerat, nunc Pollio Gallus;  
 Ille Asinius dictus nomine, at iste Asinus.*

## Ad Sempronium Saffo. 177.

*O cui, Semproni, tribuit cognomina Saxum,  
 Fac saxo inscribam nomina nostra tuo:  
 Sic nunquam moriar; viuet mea Fama; nocebūt  
 Inuida nominibus tempora nulla meis.*



Ad

## Ad Postumianum.

178.]

*Argutos, faciles, aspersos melle, venustos  
 Misisti nobis, Postumiane, iocos :  
 At nos difficiles dedimus, sparsosque veneno,  
 Et qui nil lepidi continuere salis;  
 Sed cur hoc, rogitas? nostros tibi misimus; at tu  
 Non dederas nobis, Postumiane, tuos.*

## Ad Lælium .

179.]

*Quòd sis vno oculo cacus nil gaudeo, Lali ;  
 Gauderem si oculo cacus utroque fores.*

## Herculis Effigies.

180.]

*Herculis effigies hac est operosa metallo;  
 Exiguo magnus fulget in gre Deus:  
 O Labor ! O Artis diuina potentia ! Iuno  
 Alciden iterùm pertimuisse potest .*



## De Postumio.

181.

*Postumius sēpēr, quæ scribo, Epigrāmata queris;  
 At nil promittit, præmia nulla dedit:  
 Quærere vel cesset posthæc epigrāmata manus;  
 Vel det Postumius præmia larga manu.*

## Ad Amicum.

182.

*Quæ tibi porrecta est Domino modò pagina, vellè  
 Quòd tibi Pontifici dextera nostra daret.*

## Ad Sabellium .

183.

*Vates diceris improbus, Sabelli,  
 Quòd omnes salibus, facetijsque,  
 Atque carmine, vinidoque versu  
 Carpis, dilaceras, feris, cruentas;  
 Sed gaude, quoniam mihi, Sabelli,  
 Sic places simul, & simul videris  
 Vates optimus, optimus Poëta.*

De

## De Pistoia.

184.

*Scripserat exiguum nuper Pistoia libellum,  
 Sed sua furtivum pagina claudit opus;  
 Alcides libri prima sub fronte, Leonem  
 Quis valido clava robore fregit, erat:  
 At cur Herculeam Clavam, magnumq; Leonem  
 Sub titulo libri scripserat ille sui?  
 An meruit quòd Clava caput sibi frangeret? &  
 Pro furto corpus roderet ore Leo? (quòd*

## Ad Fabianum.

185.

*Dixisti Dracònē, sed dic, Fabiane, Draconem:  
 Dente aliter rabido te vorat ille, meres.*

## Ad Ponticum.

186.

*Quòd salum sempèr videas me, Pontice, vides;  
 Canto, bibo, cæno, dormio, solus eo:  
 Sed tu ridēdus magis es mihi, Pontice, quandò  
 Cum genitrice bibis, cum genitrice cois.*

Ad

## Ad Lectorem. 187.

*Qui legis hac, noli mea ladere carmina morsu,  
 Siuè senex fueris tempore, siuè puer:  
 Quinque mihi sūt lustra; tener pubescit Apollo,  
 Et ludit rudibus parua Thalia notis;  
 Sed si quis cupiat me carpere dētibus, huic par  
 Scribat opus, vel sit conditione minus;  
 Et tunc mille mihi liuor det vulnera vindex;  
 Iusta etenim venient vulnera, iusta feram.*

## De Phœbo. 188.

*Totus erat Phœbo similis, sed coniuge iuncta,  
 Dissimile hoc vnū est, & cornua Phœbus habet.*

## Ad Fabianum. 189.

*Quid viridis patrio fulget tibi stēmate laurus?  
 Quòd Vates fueras num, Fabiane, notat?  
 Falleris: illa monet Veneris pro crimine quòd iā  
 Arbore debueras pendulus esse tua.*

De

## De Gellio.


190.

*Atria surgebant propius sublimia Cælo,  
 Et quasi tangebant sidera celsa Domus;  
 Gellius ascendit tectum constructor in altum,  
 Menserat exesas adificasse trabes,  
 Sed cecidit præceps trabibus reuolutus, & illi  
 Confregit miseros vasta ruina pedes;  
 Propterea dimisit opus, nec Gellius unquam  
 Ædificat; languet debilis ille domi;  
 Attamen in manibus Cytharâ noctuq; diuque  
 Sempèr habet, strepitat vocibus, ore tonat:  
 Non igitur Fortuna pedes, sed debuit illi  
 Aut linguam, aut ambas debilitare manus.*

## Ad Cæcilianum.

191.

*Præcipis, & subito fieri vis omnia; sic tu  
 Vel subito pereas, Cæciliane, volo.*



E

Ad



## Ad Postumum. 192.

*Sis dives, moreris; fueris mox, Postume, pulvis;  
 Sis sapiens, moreris, Postume; pulvis eris:  
 Nobilis es? moreris: viridis stat robore sanguis,  
 Aut puer es? rapido funere pulvis eris:  
 Mortis iter mox quisque premet: mors omnibus  
 aqua est,  
 Non aurum, aut atas barbara fata mouet.*

## Ad Paulum. 193.

*Quòd Vates fueras, fateor; nec, Paule, negabo:  
 Pessima quòd scribas carmina, neuè nego.*

## Ad Oppianum maledicum. 194.

*Sis auo licèt, Oppiane, multo  
 Confectus, senio premente crines,  
 Et gravis licèt expuisse tussis  
 Omnes fecerit, Oppiane, dentes;  
 Tamèn dixerit, Oppiane, verum,  
 Quisquis dixerit, Oppiane, mordes.*

Ad

## Ad Fuscum.

195.

*Astream sequeris, sequimur nos, Fusce, Poesim,  
 Propterea genio dispare, Fusce, sumus :  
 Tu vigilas, possis quo respondere clienti,  
 Nec mollis reficit lumina lassus sopor :  
 At nos Pierij montis sub culmine somnus,  
 Fusce, iuvat; recreat lumina grata quies:  
 Tu dives tamèn es, multum sed, Fusce, laboras;  
 Viuere nos modico somnus, & umbra facit:  
 Otia da nobis, tibi nos concedimus aurum;  
 Nil est diuitiùs quàm sinè lite dies.*

## Ad Alaudum de Paulo Fasano. 196.

*Displicet, at nobis Fasanus, Alaude, placeret  
 Assatus, vel si tostus, Alaude, foret.*

## De Paulo.

197.

*Astrologus, Vates, Medicus, Geometra Paulus  
 Dicitur, & iuris dogmata sacra docet;  
 Tota tamèn residet mendax sapientia labris,  
 Sic doctus poteris Esitacus esse meus.*

E 2

Ad

## Ad Apicium.

198.

*Vates dicimur, atque nuncupamur,  
 Decus Pieridum, decusque Phœbi,  
 Pindi Gloria, Castalis Voluptas;  
 Monstramur digitis, ubique plausus  
 Plures excipimus, probante cætu;  
 Quid tamèn tituli iuvant, Apici?  
 Quid & nomina vana, quandò nobis  
 Fames guttura vexat, & lacernas  
 Consumptas, veteres, malas habemus?  
 Vatis nomina venderem: rogabis  
 Sed quanti? pro obulo darem vel uno.*

## De Lege.

199.

*Oceanus Lex est, quis, nescio, dixerat Author:  
 Ditiùs Oceano nil, quoque lege nihil.*

## Ad Cæcilianum.

200.

*Ardet aper, famulum punis, te scinde flagello:  
 Nam tibi plus ardet, Cæciliantè, gula.*

Ad

## Ad Crisconium.

201.]

*Perlege, Crisconi, lepidos paruosque libellos,  
 Et quos expulij pumice, volue iocos:  
 Paruula dona quidem, sed non ignobile munus:  
 Detineant oculos carmina nostra tuos:  
 Quod tibi misissem, fuerat nil charius; unum  
 Hoc mihi, quod potui mittere, munus erat:  
 Quantumuis humiles, noli contemnere nugas:  
 Mox tibi, que fuerint grandia, dona dabo.*

## Ad Cæcilianum.

202.]

*Crassa tibi quamuis sit, Cæciliane, lacerna;  
 Macra tibi tamèn est, Cæciliane, manus.*

## Ad Sextum.

203.]

*Cùm tibi dixissem quòd multũ, Sexte, mereres,  
 Et quòd pro meritis mox tibi plura darem:  
 Errasti tanquàm si munera plura dedissem,  
 At qua promisi, vulnera plura dedi.*

## Ad Postumianum. 204.

*Astrologus dicor, casus prædico futuros,  
 Optima fata scio, pessima fata scio:  
 At tibi qua venient, optas cognoscere sortes?  
 Et quales fuerint, Postumiane, dies?  
 Crede, miser fueris partim consumptus ab igne,  
 Et partim canibus dilaceratus eris.*

## Ad Bythinicum. 205.

*Cū repetas semper vocē hanc, Bythinice, Sanè,  
 Vix sanus fueras, credimus, ingenio.*

## Ad Lælium de Postumio. 206.

*Postumius, Lali, quaris cur fulgeat ostro?  
 Et nimium tyria syndone cultus eat?  
 Postumius nobis nuper confregerat Arcam,  
 Et gemmas rapuit, Sardonychasque tulit.*



## Ad Paulum Oratorem. 207.

*Edocuit fidei quondam sacra dogmata Paulus,  
Nunc quoque tu Paulus dogmata sacra doces:  
Barbaries illi Caput abstulit ense; mereres;  
Sic tibi Barbaries auferat ense Caput.*

## Postumius, &amp; Soccinna. 208.

*Postumius nullos, omnes Soccinna salutat;  
Ille superbus, at hic ambitiosus erat.*

## Ad Fuscum. 209.

*Tempore, Fuscus ait, nihil est pretiosius uno;  
Nil est, quod possit plus valuisse, docet:  
Afferimus, sic est; nil tempore charius, illo,  
Fusce, tamen, quo te febris iniqua premit.*



## Ad Cæcilianum. 210.

*Sub patrio nigret tibi stēmate mæsta capressus,  
 Et gentilitium, Cæciliane, facit:  
 Quid tamèn illa notet? semper poscisq; rogasq;  
 Dicam: debueras iam perysse, noeat.*

## Ad Harpalum Mauro. 211.

*Maurus eras, coniux tibi iūgitur, Harpale; Mau-  
 Nō fueris posthac, Harpale, Taurus eris. (rus*

## Ad Ponticum. 212.

*Ausidium laudant, paritèr te, Pontice, laudant,  
 Et laudes populus prabet utrique pares:  
 Ausidij laus vera tamèn, tua, Pontice, ficta est:  
 Dives eras nam tu, Pontice, at ille miser.*



## Ad Postumianum de Fusco. 213.

Quòd mihi præberet cupido sua carmina Fuscus;  
 Instantèr petij tèrque quaterque prece:  
 Ille tamèn nobis ne det sua carmina, dicit  
 Vexari curis, sollicitamque premi:  
 Nunc has, nunc illas Fuscus, res efficit omnes,  
 Propterea nobis carmina sæpè negat;  
 Sed lætor tandem, fieri est res una superstes;  
 Quæ fuerit, quaris, Postumiane? mori.

## Ad Paulum. 214.

Quid me, Paule, fugis, tãquàm si pessimus es sè?  
 Te fugias; nam tu crimine peior eras.

## Prasinus. 215.

In media statnam Prasinus sibi fccerat Vrbe,  
 Et statua nomen fixerat ille suum:  
 Litekulas primas abrasit longa senectus,  
 Sic Asinus nobis incipit ille legi.

Ad



## Ad Amicum Poetam. 216.

*O qui Phæbeas Cytharas, & carmina tractas  
 Castalios intèr Pieridùmque choros,  
 Exorare velis gratissima Numina Vatum,  
 Et quotquot colles incoluere sacros;  
 Fleete, rogo, Phæbum precibus, Phæbiq; sorores,  
 Dent mihi palladia cingere fronde comas;  
 Bellerophonteos iubeant potare liquores,  
 Et refluat labris Castalis unda meis:  
 Sic vultu meliore Deus te spectet Apollo,  
 Sic tua, qua scribis carmina, Phæbus amet.*

## Ad Cæsarem pauperem. 217.

*Cæsar es, & pauper, tua vix anigmata nosco;  
 Imperioque cares, imperioque praes.*

## Neronis Imago. 218.

*Cernite, qua picto de pariete pendet imago,  
 Romulei vultum Cæsaris illa notat:  
 Errauere tamèn: non pensilis esse Neronis  
 Effigies, meruit pensilis esse Nero.*

Tro-

## Troiaë combustio.

219.

*O Vrbs infelix duplici contraria sorti,  
 Nasceris, & fato dispare, Troia, peris:  
 Neptunus, qui te posuit, maris imperat undis,  
 | Vulcanus, qui te destruit, ignis erat.*

## Ad Paulum Coruo.

220.

*Coruus es, & Vates, miror, dixisse Poëtas  
 Cyenos, non Coruos dicere, Paule, solent.*

## De Gallo.

221.

*Tristatur nostro sempèr de tempore Gallus,  
 Nequè potest lachrymas continuisse suas:  
 Heu pudor! exclamat, trāscribūt carmina Vates,  
 Et dicunt, alijs quod rapuere, suum:  
 At carpando alios Gallus, se corripit ipsum;  
 Ipse est, qui primus pessima furt a facit.*



Ad

## Ad Attilum Grammaticum. 222.

*Claudius R literam, literam G repperit Author  
 Carbilus, quarè premia laudis habent:  
 At non laudaris, sed carperis, Attile, quòd tu  
 Y reperis, frontis cornua fæda tua.*

## Ad Lælium. 223.

*Orpheus attraxit montes testudine, Lali,  
 Invidia lapides carmina nostra trahunt.*

## De Theodora. 224.

*Nubere Causidico vellet Theodora marito,  
 Et cuperet thalami consociare fidem:  
 Disparilis nunquàm tamèn id permiserit atas;  
 Ille etenim puer est, sed Theodora senex.*



## Dolia propè sepulchrum. 225.

*Hic ubi fatali consurgit mole sepulchrum,  
 Quid stant purpureo dolia plena mero?  
 Scilicèt annoso fument Carchesia Baccho  
 Mille tibi, exorto, vel moriente die;  
 Mille tibi vel manè paret, vel vesperè luxus  
 Prandia, tristis adhuc te Libitina manet.*

## Ad Harpalum. 226.

*In tumulo sceptrum depingitur, Harpale; discas  
 Hinc igitur, Reges, Harpale, vel pereunt.*

## De Paulo. 227.

*Paulus emit quacumque suis inspexit ocellis,  
 Prædia Paulus emit, ruraq; Paulus emit:  
 Præbuit Antiocho centum sestertia Paulus,  
 Et magna coemit Paulus in Vrbe domum:  
 Omnia Paulus emit, sed nō emit omnia Paulus,  
 Postribulo matrem vendidit ille suam.*

## Poetæ tumulus. 228.

*Hoc jacet occlusus paruo sub marmore Vates,  
 Fatidicum Vati hoc nobile marmor habet:  
 Da cineri flores, tumulo da ferta, Viator;  
 Viuus enim multo floruit ingenio.*

## Ad Faustinum de Casselio. 229.

*Dicere Casselium noli, Faustine, gulosum:  
 Casselius, Faustine, gula est, nõ ille gulosus.*

## Ad Marianum. 230.

*Cum doleant toto semper tibi corpore renes,  
 Dic, cerebrum nunquam qua ratione dolet?  
 An tibi, qui doleant renes, Mariane, supersunt,  
 Et cerebrum, doleat quod, Mariane, deest?*



## Ad Polycarmum Festa. 231.

*Si veniat festiva dies, Polycarme, labores,  
 Et concinnatum non bene cessat opus;  
 Otia tunc Cælo sunt debita, protinus Artes  
 Officium gaudent deposuisse suum:  
 Nullus in orbe fragor tunc psonat: undiq; spectas  
 Otia, quiq; labor non strepit ore, silet.  
 Hinc festiva dies dederat tibi nomina, credo,  
 Displicuit semper quod, Polycarme, labor.*

## Ad Eundem. 232.

*Quid festiva dies dederat tibi nomina? Cælo  
 An fueras gratus, qualiter illa dies?*

## Ad Eundem. 233.

*Quæ nobis festiva dies, Polycarme, vocatur,  
 Pra reliquis Cælo Religione placet:  
 Vna etenim cultam superis indicit, & Orbem  
 Vna docet laudum munera ferre Deo:  
 Hinc tibi cur eadem dederit cognomina, nosco:  
 Pra reliquis fueras Religione pius.*

Ad

## Ad Cæcilianam. 234.

*Si te de siculo spectaret Mulciber antro,  
Vel si de nitido Iuppiter axe Deus;  
Mulciber odisset Venerem, Iunonis honores  
Iuppiter, aspectu vincis utramque tuo.*

## Ad Sergium Urbano. 235.

*Urbani quid digna tibi sunt nomina, Sergi?  
Urbani fuerat purpura danda magis?*

## Puer Iesus cū Matre in præsepio. 236.

*Bethlea sub rupe puer cum Matre iacebat,  
Ille latus fuerat nudus, & ista latus:  
Interea crudelis hyemis armata flagello  
Scœuit, & arctoo frigore utrumque ferit:  
Tunc pueri miserata sui tristissima Mater  
Sic ait: ah moriar, nè moriare puer.*



De

## De Tucca.

237.

*Iura poli, legesque Dei confectus ab ævo  
 Explicat, & Cœli dogmata Tucca docet:  
 Sapè iamèn mittit pluuio de lumine fletus,  
 Nec potis est gemitus continuisse suos:  
 An motus pietate gemit? ne credite: plausus  
 Ille gemit, quos iam perdere Tucca videt.*

## Ad Eunnum.

238.

*Spirituale scelus fuerat, quis denegat? ergò  
 Spiritus es totus, totus es, Eunne, scelus.*

## Francisci Xaberij tumulus.

239.

*Da tumulo lachrymas, hospes, da vota sepulchro:  
 Xaberij cineres hac breuis urna capit:  
 An credes? recubat non hic Xaberius: urna  
 Parna est: Orbe etenim maior utroque fuit.*





## Ad Tuccam.

240.

*Quid vellē? quavis sempēr, sub vespere quavis*  
*Quid vellem? noctū, Tucca, fateris idem:*  
*Non ego diuitias, non gemmas, Tucca, nec aurū,*  
*Non vellem culti iugera magna soli;*  
*Non ades, non Tucca, domos, non tēta, coruscis,*  
*Quae niteant trabibus, marmoribusq; velim;*  
*Non ego Regnorū regimen, nō sceptrā potentiū,*  
*Nec vellem attalica conditione frui:*  
*Quid vellē? rursus quavis: iam, Tucca, fatebor:*  
*Hoc vellem funus te subijisse tuum.*

## Ad Paulum.

241.

*Carmina nos dedimus, gēmas tu, Paule, dedisti:*  
*Signari gemmis carmina nos: ra putas.*

## Coniugum tumulus.

242.

*Hic Fabiana iacet coniux, & Cinna maritus;*  
*Errauit: hic, litigiumque iacet:*  
*Admoueas aures tumulo, qui prateris, hospes;*  
*Nunc quoquē vel rixas nutrit uterq; cinis.*

Ad

## Ad librum suum.

243.

Quid prodest liquisse lares, patriosq; penates?  
 Quid mea fastidis scrinia parua, liber?  
 An magnas Vrbes, & magna palatia queris,  
 Cùm te non capiant paruula tecta domus?  
 An cupis Augustum latè volitare per Orbem,  
 Angustas fugiens incoluisse casas?  
 Quàque velis protende pedè, concedimus ultrò,  
 Attamen hoc unum pectore fige tuo:  
 Si teneros artus, & mollia corpora liuor  
 Dilaceret, tacitus vulnera dira feras:  
 Si quis praestiterit plausus, & munera laudis,  
 Despice; non etenim pramia laudis amo.

## Ignorantia, &amp; Sapientia. 244.

Hac facit extinctos longum vixisse per æuam;  
 Illa facit viuos desidiosa mori.

## De suis amicis.

245.

Quos habeo socios, duo sunt cū Castore Paulus;  
 Ille etenim sapiens dicitur, iste probus.

## Ad Postumum. A

246.

Postume, quid vocē replicas in carmine, demum?  
 Quid tibi vox, demum, semper in ore sedet?  
 Lingua refert, demum, calamus dat, Postume, de  
 Nil nisi vox, demum, syllaba quæq; tua est: (mū:  
 Sapius in carthis, demum, inferis, atq; libellis;  
 Heu demum subeas ultima fata velim.

## Laurentius Romanus.

247.

Laurenti par nomen habet Romanus Ibero,  
 Sic lateri flammæ sentiat iste pares.

## Nesij tumulus.

248.

Heu lachrymas mæsto spargat Prudentia vultu,  
 Heu Fas, & Rectum diruat ungue genas;  
 Heu mores tumulo properet, & tristis Honestas;  
 Heu properet Pietas dilacerata comas:  
 Hæc fuit Nesius Iusti Moderator, & Æqui,  
 Qui fuerat morum Norma pudica puer:  
 Sic est delictus, ut vitas, Hospes, iniquus,  
 Accipiat cineres flebilis Urna tuos.

Ad

## Ad Simplicianam: 249.

*O Venerum vultu pulcherrima, digna procorum  
 Coniugio, thalamos digna subire Iouis :  
 Non sic Penelope charo fulgebat Ulyssi,  
 Non sic Troiugens grata Leda viro ;  
 O quae stant Charites, nitida sub fronte lepores,  
 O qui stant labris, Simpliciana, tuis !  
 Cernimus, è niueo surgunt incendia vultu:  
 Vna eadem recedas, vna eademque noces .*

## Ad Paulum: 250.

*Quid flumen patrio pingis sub stēmate ? mergi  
 An quia debueras flumine, Paule, tuo ?*

## De libro Quodam: 251.

*Versibus arguitis, & carmine scripserat Ollus,  
 Quem Mundum quidam dixerat esse librū:  
 Attamen est unum dispar : sunt quattuor Orbi,  
 (Ignis, & Vnda,) duo sunt Elementa libro.*

## Senectutis gemitus. 252.

*Cum tener annorum nobis floreret Aprilis ,  
 Et pubescentis tempora Veris erant ,  
 Palladis ingenua dulces despeximus Artes ,  
 Nec studij ad laudes Gloria calcar erat :  
 At nunc conquerimur confecti corpus ab ævo ,  
 Sic error serò nos sapuisse facit .*

## Ad Lælium Ferri. 253.

*Obriguit, Lali, quod dat cognomina, Ferrum:  
 Sic, Lali, mores obriguere tui.*

## Neronis tumulus. 254.

*Qua vicina vides pendentia Mausoleo  
 Marmora, Romulei Cæsaris ossa tegunt ;  
 Hic Nero, qui patria quondam sanctissimus hostis  
 Obrigit saxo par, similisque suo.*



## Ad Galliam Coda.

255.

Castalios hausi puro de fonte liquores;  
 Sum Vates, repetit Gallia sæpe die,  
 Intèr Apollineas ego Gloria prima cohortes,  
 Nullus erit, superet qui mea plectra sono:  
 Gravior Afergis non est sub montibus ullus,  
 Non est, qui grato dulcius ore canat;  
 Ex alijs Phæbo dilectior una puellis,  
 Charior Aonijs nostra Thalia choris:  
 Quid tantum Vatem te demonstrato laboras?  
 Una mihi qui sis, Gallia, canda notas.

## Ad Postumum.

256.

Omnigeno quid te iactas sermone disertum?  
 Postume, nescire est, omnia nosse, reor.

## Ad Harpalum Bello.

257.

Bella tibi facies, belli sunt, Harpate, mores:  
 Quidquid agis, bellū est, Harpate quidquid  
 Sic bello dū bella tibi sūt omnia, nobis (habes:  
 Et vultu, & facie nil nisi bella mones.

## Ad Iulium. 258.

Quid iuuat ingētes super aethera tollere moles?  
 Quid fragiles Iuli, construis arse domos?  
 Plurima quid prosūt placidos diffusa per agros  
 Prædia? quid multas Arca recludit opes?  
 Virtutes cura, studijs ditescere mentem  
 Sit labor; has unas semper habebis opes:  
 Cetera, qua spectas propiora palatia Cælo  
 Post aliquot, Iuli, sæcula, puluix erunt:  
 Vna domus Virtutis erit; qua vixerit annos  
 Perpetuos; uni sæcula nulla nocent.

## Ad Amicos. 259.

Corpora amicorum duo sunt, at spiritus unus:  
 Spiritus est vobis unus, & una caro.

## Ad Lectorem. 260.

Si nimio sermone cupis proluxa, libellum,  
 Hunc legito, & totum dextera voluat opus:  
 Si breuiora cupis, librum vel perlege nostrum,  
 Claudis enim paruo carmine parua liber.

De

## De Alterio Oratore.

261.

*Predicat Alterius pestaque coronide dictis,  
 Veste sibi triptico corpus, & ora tegit:  
 An timet ille, putam, frigescere? fallor obūbrat  
 Ora rubor, puduit dicere semper idem.*

## Ad Galliam.

262.

*Misiſti nupèr tu, Gallia, massica nobis  
 Castaly dedimas nos tibi, fontis aquas.*

## Ad Charinūm.

263.

*Fingis quòd sapias, nihil, Charine,  
 Fingis grammatis quòd, Charine, nescis,  
 Fingis Rhetoricas, Matheſeosque  
 Artes, Astronomasque disciplinas,  
 Et quidquid veteres docent papyri,  
 Et quidquid latij, docent libelli,  
 Sed cesses simulare, desinasque  
 Posthac dicere, quòd nihil sapisti,  
 Nam verè rudis es, nihilque nosti.*

Ad



## Ad Cœsarem. 264.

*Cæsar es, at mores non sunt tibi Cæsaris, illi  
 Nomine, non parilis diceris esse manū;  
 Et gladio, & calamo Cæsar fuit optimus; at tu  
 Pessimus es gladio, pessimus es calamo.*

## Ad Sabellium. 265.

*Qui de Consilio loqueris, sermone, Sabelli,  
 Consilij monstras nil habuisse tuo.*

## Ad Sextum. 266.

*Irrides, lusuque vocas me, Sexte, beatum,  
 Et dicis quòd iam vidimus ore Deum;  
 Sacra reuelarunt mihi, que mysteria, possis,  
 Ad nostram è Cælo Numina lapsa domum?  
 Scilicèt hoc unum dixerant Numina nobis,  
 Inferni mox se ceperit atra domus.*



## Epitaphium Coniugis. 267.

*Marmora, quæ spectas, vultu lachrymâte, Viator,  
Prætereas; tumulum flebilis unda decet.  
Hic genitrix miseranda iacet cū prole, maritus  
Transfodit iugulum nupèr utrique suam:  
Non meruere mori; castissima iura pudoris  
Seruarunt; fuerant Religione pares:  
Causa tamèn tanti sceleris, lethiq; requiris?  
Barbaries savi Coniugis una fuit:  
Da lachrymas; indigna licèt sint funera, fletus,  
Qua mereat, digna est funeris urna, tuos.*

## Amfibaci potoris Epitaphium. 268.

*Hic iacet Amfibacus gratissima cura Lyæi.  
Quarè obiit, rogitas, hospes? aquam biberat.*

## Ad Sempronium Saffone. 269.

*Præbuerant qua saxa tibi cognomina, monstrât  
Par tibi vel saxis obriguisse Caput.*

## Ad Dominicum, de Paulo. 269.

*Præbuit Hispanus tibi nomina, Paule, merebas:  
Sed tribuat pariter stemmata, Paule, meres:  
Scilicet ille Canem, laceret qui viscera morsu,  
Et qua comburat, præbeat ille facem.*

## Ad Marianum. 270.

*Nil Marianus habet, dives tamen ille vocatur;  
Sic dives semper sis, Mariane, velim.*

Ad D. D. Ludouicum N. vt bellum  
Turcis moueat. 271.

*Eià age bellum moue, par est, Ludouice; triūphos  
Qua pariat, ferro Thracia Luna cadat:  
Magnanimos absconde tuos sub caspide crines,  
Martia belligero fulgeat ense manus;  
Arma moue, quid iners tantum fera bella mora-  
Sub pedibus pereat barbara terra turis: (ris?  
Nil timeas, animos faciet, Ludouice, furenti  
Sub gentilitijs qui tonat ore Leo.*

## Ad Cæcilianum de Orlando. 272.

*Quid dedit Orlandus cognomina? noscere velle:  
 Aut quid de tanto milite nomen habes?  
 Ille suos cum lite dies traduxit in armis;  
 Tu patriæ vivis, sed sinè lite domi:  
 Ille manu Victor gladium tractavit, & enses,  
 Tu calamus tractas, Cæciliane, manu;  
 Sed sint dispariles mores; par nomen utrique  
 Debuerat meritò, Cæciliane, dari:  
 Ille etenim miles fuerat, sed maximus armis;  
 Rhetor eras, sed tu maximus ingenio.*

## Ad Antonium. 273.

*Colligis, Antoni, nulos in vertice crines,  
 Hinc tibi quis rasum denegat esse Caput?*

## Ad Lælium de Petra. 274.

*Quæ tua præferunt, Læli, cognomina Petram,  
 Est desiderij meta suprema mei.*

## Ad Ponticum. 275.

*Carmina nos dedimus, cùm simus, Põlice, Vates;  
 Et lepidos dedimus, munera grata, iocos:  
 Sed tu, cùm dives sis, Pontice, mittere nobis  
 Non auri pigeat munera parua: decet.*

Ad Postunum sub Martij  
 mense natum. 276.

*Debuerat tribuisse Aries tibi, Postume, eunas;  
 Monstrat adulterium coningis, Hircus eras.*

## De Paulo, &amp; Fabiano. 277.

*Confidicus Paulus, Medicus Fabianus, vterque  
 Non habuit quid agat, pallet vterque fame:  
 Sed febris Paulo veniat, sed suscitet hares  
 In rebus litem iam, Fabiane, tuis:  
 Sic litem alterius, fuerit qui finiat alter,  
 Sic febrim alterius, qui lenet, alter erit.*

## Ad Ollum. 278.

*Tu recitas, recito; tu cantas carmina, canto  
Carmina; tu Vates diceris, Olle, & ego:  
Hoc unum est dispar nobis, tu carmina scribis,  
Ast ego non scribo carmina, sed facio.*

## Ad Harpalum. 279.

*Qui gestu, & verbis fueras grauis, Harpale, ma  
Rem facies, si non es leuis ingenio. (gn̄)*

## Ad Sabellium. 280.

*Pingitur obtectis oculis Astrea, Sabelli,  
Sed meritò, lances substat aqua suas:  
Sic paritèr pingenda foret Sapientia labris  
Oppressis, nimium qui tacet, ille sapit.*



## Author de se ipso.


281.

*Quòd Tyberim peterem, sacrâq; palatia Romæ,  
 Et Vaticanæ mœnia celsa soli,  
 Postumius nupèr multo sermone suasit,  
 Et quòd sit nobis utile monstrat iter:  
 Roma etenim sola est genitrix, & Mater Hono-  
 Ramanas habitat Gloria certa domos; (rū,  
 Tarpeias Arces Fortuna superuolat alis  
 Aurea, & in nimbos prodiga spargit opes:  
 Plausus, Fama, Decus Latium coluere, sibi que  
 Perpetuas illuc constituere domos:  
 Audiui, sed pauperies iuuat unice, dixi,  
 Despicimus quidquid Roma dedisse potest.*

## Ad Bythinicum .

282.

*Quòd nostros carpas semper, Bythinice, versus  
 Non est Indicij causa, sed Inuidia .*



## De Basso Aulico.

283.

*Invidus; insipiens, verbosus, perfidus, audax,  
 Sacrilegus Bassus, luxuriosus homo est:  
 Contemnit, ridet, lacerat, fastidit, adulas,  
 Sed cur hæc faciat queritis? Aulicus est.*

## Ad Castricum.

284.

*Dignus homo es, dicunt omnes tibi, Castrice; sed  
 Dignus eras, posesis, Castrice? supplicio. (quo*

## Ad Marianum.

285.

*Historias omnes, omnes, Mariane, libellos  
 Mentè tenes; legum dogmata cuncta sapis:  
 Attamen hoc memori de pectore decidit unum;  
 Nuper eras Custos quòd, Martiani, suum.*





## Ad Lectorem. 286.

Invidus es, nosco, quisquis mea carmina voluit,  
 Et laceras, nosco, qualiacumque legis,  
 Sed merito laceras mea carmina, Liude, quando  
 Ausa tibi sunt cor dilacerasse prius.

## Ad Fabullum. 287.

Emisti teneras, Fabulle, iugas,  
 Et nostros lepidos sales, iocosque,  
 Errasti nimium, Fabulle, dicam;  
 Emisses melius merum bibendo.

## Democriti, et Heracliti tumulus. 288.

(pulchrum,  
 Quisquis es, aut lachrymis, hospes, venerare se-  
 Aut risu tumuli marmora parva velis,  
 Hic Heraclitus, iacet hic Democritus: ambo  
 Et risu, & lachrymas antè sepulchra rogāt:  
 Iste meret lachrymas, quoniā deriserat omnes,  
 Risum, omnes quoniam fleuerat, ille meret.

## Cœciliana de Marmore. 289.

*Quæ nova diuina de marmore spirat imago?*

*Qui lapis expresso fictilis ore micat?*

*Agnosco: quæ me gaudet comburere vultu,*

*Fictilis in saxo Cœciliana nitet:*

*Quod lapis ignitus sit. Sol, quis de neget unquã?*

*En quæ Sol fuerat, transijt in lapidem.*

## Ad Lælium. 290.

*Et Cruce, quæ patrio fulget sub stemmate, Læli,*

*Debuerat corpus pensile stare tuum.*

## CHRISTVS de Cruce. 291.

*Ora cruentatus piõto de stipite Christus,*

*Sanguineo ex oculis imbre cadente, gemit:*

*At quid spargit adhuc per læuida mēbra cruor,*

*Ut possis culpis, erubuisse tuis. (rē?)*

## De Pamphilio Poeta. 292.

*Pamphilius fuerat non ultima Gloria Vatum  
 Rarus ab ingenio, rarus ab arte lyra,  
 Scripsit opus cedro dignum, sua fama per Orbē  
 Creuerat immodicis laudibus aucta suis;  
 Hinc dat Pamphilio quamplurima dona Poësis,  
 Credite, diuitias, pradia, rura, casas:  
 Quis neget Amphion sonitu, quod cōdidit Urbē?  
 Ex sonitu plures fabricat iste domos.*

## Ad Lælium. 293.

*Quid te Musarum, Læli, profiteris amicum?  
 Vnica Musarum syllaba prima tua est.*

## Ad Postumum. 294.

*Cum quo dormitem? noctū mihi, Postume, dicis;  
 Cum quo dormitem? Postume, manē rogas:  
 Cum quo dormitem vis noscere, Postume? dicā:  
 Coniuge cumque tua, cumque sorore tua.*

## Ad Sempronium. 295.


*Cum tibi, Semproni, reddat duo millia census,  
Impendis. quare millia quinque? rogo:  
Scilicet exiguum quamvis dent fœnora lucrum,  
Qua tibi plus reddant, impia furta facis.*

## Ad Iulium Ordei. 296.

*Ordea, qua replent Asinos, quid nomine claudis?  
Annè Asinus fueras? annè iumentus eras?*

## Ad Postumum. 247.

*Invidia qui sit Genius nùm, Postume, nescis?  
Invidia mores, Postume, nonne sapis?  
Invidia ad gemitus gaudet latissima nostros,  
Invidia ad nostri gaudia, mœsta gemit.*



Detestatur Amores. 298.

*Quid sequor infelix dura Cythereidos ignes?  
 Quid miser ulterius Cypria castra sequor?  
 Ex animis abeat iadēm Venus improba nostris,  
 Nec cruciet facibus pectora nostra suis:  
 Frangat Acidalias pharetras, & iela Cupido;  
 Fixit amatorem dura sagitta satis:  
 Qui Venerem dicit medijs de fluctibus ortam  
 Decipitur, nata est, dicat, ab igne Venus.*

Ad Ignatium de Furestis. 299.

*Fur est is: monstrant nobis cognomina: pœnas  
 Quas dederit? damnat nomē, in igne cadat.*

Ad Marcum. 300.

*Si dolor, & febris vexet mihi pessima corpus.  
 Sume animos, nihil est, dicere, Marce, soles:  
 Hinc nihil ipse pati quò passis, Marce; rogabo  
 Quòd vexet vel te pessima, Marce, febris.*

## Ad Ponticum de Crispo. 301.

*Iuridicus fuerat, nunc fur est, Pontice, Crispus:  
An credis mores deposuisse suos?  
Quidquid Iuridicus verbis venalibus antè  
Fecerat, ille manu nunc rapiendo facit.*

## Ad Cæcilianum. 302.

*Quòd me sapè spuas, causã vis noscere? crassum  
(Crede) tibi fuerat, Cæciliane, caput.*

## Flores propè Sepulchrum. 303.

*Quid flores propè busta voluit? quidserta sepul-  
Et tumuli cineres luxuriosa tegunt? (chrũ,  
An quia ceu flores fato marcescimus omnes,  
Et tumulum subito funere quisquè subit?  
An quia vel quando florenti sanguine vita est,  
Tunc humeris propriis funera nigra premunt?*



## Ad Puerum.

304.

*O charitum soboles, gratissimus ardor Amorum,  
 O Venerum dulcis cura, laborque Puer;  
 Tu fax, tu cordis non ultima gaudia nostri,  
 Cui teneras pingit candida Flora genas,  
 O quas delicias! o quos sub fronte lepores!  
 O qua sub placidis dulcia dixit labris!  
 Non sic dulce scunt stillantia munera mellis,  
 Non sic ambrosia consapere dapes:  
 Aspicimus, laeguent animi; sunt esca doloris  
 Quaeque sedent vultu gaudia, quaeque genis:  
 Delicia tormenta ferunt (quis crederet unquam?)  
 Et mihi de dulci toxica melle fluunt.*

## Ad Lælium.

305.

*Rara tibi, Læli, refluit facundia labris,  
 Rarus Et ambrosio pendet ab ore lepos:  
 Incerti, dubiæque sumus, num Tullius olim  
 Eloquio fuerat maior, & ingenio.*

## Ad Castricum.

306.

*Eloquij Deus es, dixit tibi, Castrice, quidam;*

*Hinc te vel dicit cetera turba Deum:*

*Ara tibi ponenda foret pro Numine, qualis*

*Ara Ioui fuerat, cornibus illa frequens.*

## Ad Tuccam Montangelo. 307.

(quid

*Dic, rogo, cognomen quid praeiit Angelus! &*

*Cognomen pariter mons tibi, Tucca, dedit?*

*Scilicet ille notat quod sis castissimus; at mens*

*Quod fueras altus, denotat, ingenio.*

## Ad Ponticum.

308.

*Qua bene quod medio-sis natus mense Decēbris,*

*Et solis natus diceris esse die:*

*Eclypsēs dedit iste suas tibi, Pontice, mēstrās*

*Qua scribis; calamo praeiit ille gelu.*



Ad



308

Ad Oratorem.

309.

*Pulpita Romulea Cicero transcenderat Urbis,  
 Sed tu Sirenum pulpita digna premis:  
 Ille perorabat magni propè Tybridis undas,  
 Tu propè Sebethum dogmata sacra doces:  
 Eloquij dictus fuerat pater ille per Orbem,  
 Tu nobis ipsum diceris eloquium.*

309

Ad Iulium.

310.

*Barba sibi nosco, Iuli, stat plurima mento;  
 Sed non Barba, sibi debita Barba foret.*

310

Ad Lælium.

311.

*Dum me Grammaticus vellet malè carpere, Læli,  
 Mille solacismos barbara lingua tulit:  
 Hinc alios noli lingue fedare veneno,  
 Sapius Authori fusa venena nocent.*



## Lucij tumulus.

312.

*Hoc iacet exiguo sub marmore Lucius, olim  
 Qui fuerat gentis gloria prima sua:  
 At tu, qui tumulū spectas, & triste sepulchrum,  
 Disce, Cinis, velut hic, tu quoq; parvus eris.*

## Ad Ponticum.

313.

*Quid mihi Pompilij dent funera, Pōtice, queris,  
 Hoc mihi Pompilij funera dant, lacrymas.*

## Vita humana.

314.

*Omnia pratercunt, ventus sunt omnia, fumus  
 Gaudia; nos pariter puluis, & aura fumus,  
 Nil sunt diuitia, nil est quoque ditibus aurum;  
 Mors etenim ferro proteret omne suo.*



## De Paulo.

315.


*Ætas prisca fide crudelia facta Neronis,  
 Sacrilegum noli commemorasse scelus:  
 En eadem renouat nobis fera crimina Paulus,  
 Ille etenim matrem perdidit, iste patrem.*

## Ad Postumum de Fabiano. 316.

*Quod Fabianus eques fuerat cū, Postume, dixi,  
 Erraui; fuerat nam Fabianus Equus.*

## Ad Sempronium. 317.

*Numinis egregio pro vertice pingere Cælum  
 Niliaci fuerat mos, geniusque soli:  
 At si te vellent, Semproni, pingere, credo  
 Quod tibi pro duro vertice saxa forent.*



## Cæcilianæ tumulus. 318.

*Hic ubi cōspicitis de marmore triste sepulchrū,  
Conseruat cineres Cæcilianā suos:*

*Æmula Penelopæ primos traduxerat annos,  
Pulchra fuit, rarum! credite; casta fuit.*

## Ad Lælium. 319.

*Iure quidem tumuli sunt de marmore, Læli,  
Sic nostris precibus funera dura docent.*

## Euadne. 320.

*Mirus Amor! miranda fides! nūl territa flāmis  
Euadne voluit coniugis igne mori:*

*Quæ thalami thædis vitendo exarserat uxor,  
Debuerat flammam vel moriendo pati.*



## Ad Sempronianum

321.

*Tu mihi Romanis Epigrammata mittis ab oris,  
 Ast ego de tuguri culmine mitto librum:  
 Sic tua nos legimus, tu carmina nostra legenti  
 Dic, rogo, Semproni, qua meliora placeat?  
 Vrbs quātum vincit tuguri, puto, culmina; tātum  
 Carminibus vincis carmina nostra tuis.*

## De Prisco, &amp; Mario fratribus. 322.

*Si Priscū, & Mariū fratres spectabis, Abelus  
 Ille tibi fuerit morabus, iste Cain.*

## De Postumio. 323.

*Qui vultu niteant sereniori,  
 Qua gestu placeant ameniori  
 Habet Postumius domi ministros,  
 Habet Postumius domi puellas:  
 At cur id faciat, rogas? fatebor:  
 Igne Postumium scelestiori  
 Vrit pessima pessimum libido.*

De

## De Papilio medico. 324.

Sparsos vipereo tocos aceto,  
 Sparsos tartareo sales veneno,  
 In me Papilius molus, Poeta,  
 Scribit dentibus invidis, legitque  
 Apud Grammaticosque, Rhetoresque,  
 Carpit carmina, vitidosque versus,  
 Epigrammata carpit, Et libellos,  
 Et quidquid calamo iocante scribit,  
 At quid Papilio Iouem rogabo?  
 Et quod supplicium petam, putabis?  
 An Ixionis, an Prometheique  
 Pœnas imprecer? an sitim, famemque  
 Poscam, quam patitur, iubente Cœlo,  
 Clausus carcere Tantalus sub Orco?  
 Nequaquam: superos rogo, senectam  
 Vel viuat Pylyque, Nestorisque,  
 Nam sic Papilius diu Poetam  
 Mordabit lepido, maloque versu.



**Amasius Veneris effigiē combūsit. 325.**

*In nunc effigies, i nunc crudelis imago,  
 Qua paphia vultum claudis, & ora Deae,  
 In nunc, & meritos flammis patiare; superstes  
 Sit cinis è toto corpore, fœda, tuo:  
 Ardeat igne Venus, mœdij cadat obruta flāmis,  
 Sentiat ultrices infidiosa focos:  
 Cōuenit, & fas est; pereat semel improba flāmis  
 Qua me perpetuo coxerat igne Venus.*

**Deus sub Eucharistia. 326.**

*Iure Deus tegitur panis sub imagine: vita est  
 Hic etenim nostri corporis, ille animi.*

**Ad Harpalum. 327.**

*Quæis aperit sua dextra domū, gerit, Harpale,  
 Pōtificis clauēs, sed gerere illa meret. (clauēs:*



## De suis libellis.

328.

*Scribimus, & surgit nullus de carmine plausus;  
 E' Musis nobis fama nec ulla venit:  
 Nō quia qua facimus, sint pessima carmina; Phæ-  
 Dictat enim calamo carmina digna meo; (bus  
 Sed quia vivit adhuc stabilis mea vita; sepulchrū  
 Nec subij, extinctos plaudere Fama solet:  
 Gloria post cineres Vates comitatur; Honoris  
 Perpetui lucem funeris umbra parit.*

## Ad Iulium.

329.

*Parva rogas, Iuli, sed munera parva negavi;  
 Non quia non habui, sed quia parva rogas.*

## Ad Cæcilianum.

330.

*Antra quid ilicibus quercuq; frequentia demō,  
 Et Sylvas habitat, Caciliane, rogas:  
 Materies fuerit sic scilicet aptior, ex qua  
 Crux fiat, sceleri debita pœna tuo.*



## De Postichio Medico. 331.

*Corporis humani partes cognouerat omnes  
 Postichius Medica rarior Artis Honor,  
 Sanguineas, albas, solidas, partesque fluentes,  
 Qua corpus faciunt, constituuntque, sapit:  
 Qua recipit. nec contribuit pars cognita tantum  
 Non est Postichio, cetera clara patent:  
 At qua sit Vatem pars hac queritque, rogatque,  
 Sed dixi, pars hac est tua macra manus.*

## Ad Paulum. 332.

*Qui natus fueras sub signo, Paule, Leonis,  
 Dic rogo cur canibus dilaceratus obis?*

## De Iudæ Imagine. 333.

*Barbara de trabibus Iudæ pendeat imago,  
 Sed facta est subitis ignibus illa cinis:  
 At Iudas meruit, quas nunc sentiuit imago  
 Flammas, cum Dominum proderet ille suum.*

Ad

Ad Petrum Casaburi Poetam  
eruditissimum.

234.

*O Amor Aonidum, Laus ò non ultima Vatum,  
Qui magnum Hetrusco carmine scribis opus:  
Scribis opus, quod nulla unquam deleuerit atas,  
Nec rabido tempus rodere dente potest:  
Debueras habuisse Casam cognomine, quando  
Sirenùm fueras, Pieridùmque domus.*

## Ad Eundem.

335.

*In Cælo quotquot fulgent nitidissima vultu  
Numina, seu Martis Numina, sinè Iouis,  
Perpetuas, certasque casas habuere, domosque,  
Astrologi dicunt, Astronomique docent:  
Iure Casam tribuere tibi cognomina, dicam,  
Numen enim fueras, Castalidùmque Deus.*



De Vrbe Veneta fundata die Annun-  
 ciationis Beatæ Virginis. 336.

*Vna dies Vrbs Veneta fundamina nasci  
 Vidit, & in medio mœnia fixa mari;  
 Vna dies paritèr vidit descendere ab astris,  
 Et clausum in gremio Virginis esse Deum:  
 At cur conceptus Deus est, Vrbs nata simulque?  
 Ille hominũ Caput est, hæc Caput Orbis erat.*

De Eadem.

337.

*O Vrbs nobilior, decentiorque,  
 Opulãntior omnibus, Leonem  
 Quid pro stemmate pingis? an ferarum,  
 Vt Rex dicitur ille, fortiorque,  
 Sic tu diceris Vrbinum vel esse  
 Regina, & valido superbis ausu?*



Ad Illustriss. D. Antonium de Nigris ex nobilibus Venetis, & Venetæ Reipub. Residentem, optimum, & à secretis, cui Theologicæ Theses dicatæ fuerunt flores Theologici nuncupatæ: alludit Author ad sidera sui stemmatis.

*Ambiguis animis fueram suspensus, & anceps  
 Qui potius florum hac munera parua darem,  
 Ut tamen aspexi tua stemmata clara triumphis,  
 Et famam, & nomen non sinè laude tuum,  
 Accipe pacato, dixi, mea munera vultu,  
 Antoni, & noli spernere dona, rogo;  
 Heroi florum sunt debitaserta, merenti  
 Ergo tibi cingant florea sertacomas,  
 Invidia Victor nobis videaris, & Orbi,  
 Emeritos crines flore tegente tuos,  
 Et dum difficiles me spectas ire per undas,  
 Et rudis ingredior nauta sinè arte mare,  
 Protege me, duros scopulos infrange, procellas  
 Comprime, nec iaceam turbine mersus aquis:  
 Sidera, qua monstras patrio sub stemmate, portus  
 Felici faciant me tetigisse rate.*

## De Romana, &amp; Veneta Vrbe. 339.

*Quod regit, Imperij confinia sparsa per Orbem  
 Vidit, & attonito Iuppiter ore stupet,  
 Miratur terras Domino sub iure Quiritum,  
 Miratur Venetis subdita regna maris,  
 Romanã & Venetã tandem dum cõparat urbem,  
 Illa Orbis Caput est, dixit, at ista Maris.*

## Ad Fabianum.

140.

*Fecisti, Fabiane, breuem rapiendo Draconem,  
 Ille breuem faciat te, rapiendo pedes.*

## De Postumio Rescio ad Fabianũ. 341.

*Res scio Postumius dicit cognomine; sed quas  
 Res sciat, inquiris, vel, Fabiane, rogas?  
 Scilicet & furem te nouit. & ille latronem,  
 Et scit quod laqueo mox periturus eris.*



## Ad Deiparam Virginem. 342.

*Alma parens, custosq; hominùm, cui cõtigit uni  
 Claudere materno viscere posse Deum,  
 Accipias lato, vellem, mea carmina vultu;  
 Subdimus illa oculis qualiacumque tuis,  
 Ipsa meos primos ne dedignare labores,  
 Sed, foueas, primum quod mihi surgit, opus:  
 O me felicem, fortunatumque tueri  
 Incipias si me Numine; Diua, tuo:  
 Tũc humiles, paruosq; animos grãdescere cernã,  
 Et dabo Meonio carmina digna choro:  
 Nec me despiciet Sulmo, nec Mantua Vatem;  
 Æquabo lauros, Bilbilis alma, tuas.*

## Fabricij tumulus. 343.

*Qui iaceat paruo tumuli sub marmore quaris?  
 Hic est Fabricius, fallimur, inuidia est.*



De Augustissimo Eucharistiæ  
Sacramento.

344.

*Magna Syracusio cæna est instructa Tyranno,  
Qua sit Democrito deliciosa seni:  
Prandia Tantalides quondam cœnamq; superbâ  
Apposuit; retinet fabula vana fidem:  
Regia mortalis doceat conuiuia luxus,  
Sit gula in ambrosias ingeniosa dapes;  
Maior erit cunâctis diuini cœna Tonantis:  
Hic est conuiuis nobilis esca Deus.*

Ad Luciferum superbientem. 345.

*Quò malesane ruis? Cælo quid pralia tentas?  
An poteris superos edomuisse choros?  
Qua rabies animos agitat? qua peâctus Erymnis?  
Quid tua fulmineo dextra mucrone furit?  
Vnus an angelicas audes regulare phalanges  
Subditus alterius legibus ipse minùs?  
Si Caput haud pateris, gladium depone superbû,  
Lis cadat, ecce tibi desijt esse Caput.*


Gal:

## Gallorum augurium. 346.

*Hesperias capiet Gallus, si praelia tentat,  
 Fatidicus tulerat nupèr, ab ore senex :  
 Credidit, Austriaco tentat fera praelia Gallus,  
 Hesperias habuit funeris ille sui.*

## Ad Postumum. 347.

*Gaudentes ambo, felices vivimus ambo,  
 Tu dives dicis vivere, dives ego:  
 Annua mille mihi reddit sestertia census,  
 Tu quoque de censu, Postume, mille capis:  
 Turba iuencorum tondet tibi prata per agros,  
 At multum nobis replet ouile pecus :  
 Rura tibi, sunt rura mihi, tibi pradia, nobis  
 Pradia: sic parili conditione sumus:  
 Attamèn hoc nobis dispar sors præbuit unum,  
 Servus eras nam tu, Postume, liber ego.*





## De Flacco.

348.

*Nil bibo, Flaccus ait, fastidio dona Lyæi;  
 At centum biberat pocula plena mero:  
 Nulla tamèn dicit nobis mendacia Flaccus,  
 Cum bibit ille aliquid, pocula mille bibit.*

## Phyllis gladium mittit amanti. 349.

*Quid Calybem nobis crudelia munera Phyllis?  
 Quid gladium dederat, barbara dona, rogo?  
 Anne suos tribuisse negat mihi, Phyllis, amores,  
 Et sic dum ferrum mittit, ait, morere?*

## Ad Poggium.

350.

*Post mensas totus friges, post fercula totus  
 Cont remis, & subito percutit ossa gelu:  
 At cur contingat frigus vis, Poggie, dicam?  
 Pœnitet appositos deseruisse cibos.*



Dis-

Difficilius est discere, quàm dediscere

Ad Cæcilianum.

351.

*Discere difficile est, leuius dediscere, utrumque  
 Testantur mores, Cæciliane, tui,  
 Omnia pertentas cognoscere, discere velles  
 Omnia, nil superest, quod sapuisse negas:  
 Dic aliquid? quæro: nihil est, quod dicere possis,  
 Attonito similis, Cæciliane, stupes:  
 Sic quæ nouisti post tempora longa laborum,  
 Omnia puncto uno dedidicisse probas.*

De Alterio.

351.

*Prædicat Alterius semper sub vespere, manè,  
 Prædicat & nocturno, prædicat ille diu:  
 At quid censetis quod prædicet ille? bibendum  
 Scilicet assiduò prædicat ille merum.*



Vir.

## Virgilij tumulus.

353.

*Hic ubi conspersum lachrymis fatale sepulchrū,  
 Et stant de pharijs marmora cæsa iugis,  
 Hic ubi conspicui venerabilis urna pheretri  
 Erigitur tumulis inuidiosa Ducum;  
 Hic ubi conspicitis cineres, & flebile funus,  
 Ossaque funereum frigida claudit opus,  
 Mantoa Siren dulci comitata Poesi,  
 Et Decus Aonidum, Castalidumque iacet:  
 At non Ecclipsim patitur, nec temporis umbras,  
 Cui dat perpetuas Troia perusta faces.*

## Celanus anagramma Ancelus. 354.

*Ancelus es, resonat cognomen, at Angelus esses  
 Si tibi, quæ deerat litera, sola foret:  
 At quantum Angelico distas à nomine, tantum  
 Angelico distas clarus ab ingenio.*



De

## De Paulo.

355.

*Quantumuis Paulo nervos contraxit, & artus,  
Et grauis inflexit morbus ad ima caput,  
Magna tamèn residet malefana superbia menti,  
Sic caput elatum nunc quoque Paulus habet.*

## Ad Fabianum.

356.

*Metra facis, fateor; fateor, Fabiane, peroras;  
Carminibus doctus, doctus es eloquio,  
Nescio cui similis sis carmine, nescio lingue  
Munere cui faciam te, Fabiane, parem:  
Orator, dicam, superas vel scripta Maronis:  
Carminibus, dicam, vel Cicerona preis.*

## Ad Academicos.

357.

(nosco:

*Quid Mare? quid Nauim faciunt Emblemata?  
Illud enim instabiles vos notat, ista leues.*



Ad

## Ad librum suum. 358.

*Fortunate liber, plausus, fama que theatrum  
 Iamque aperit pedibus Gloria fida tuis;  
 Vade, nec inuidia timeas crudele venenum,  
 Nec tibi quæ liuor barbara tela parat:  
 Vulnere quaque, rogo, vultu patiare libenti,  
 Nec tibi displiceat toxica dira pati:  
 Inuidia ad calybes gaude, latare, triumphare,  
 Inuidiam sentit qui liber, ille placet.*

## Erubuit? saluus est. 359.

*Errauit puer & lachrymas diffundit habeto  
 Pro saluo, in lachrymis naufragus error erit.*

## Ad Castricum. 360.

*Quid facit horrētē squamis tibi stēma draconē,  
 Castrice, thesauros, qui premit ungue tenax?  
 Diuide stēma, rogo, draco sit tibi, Castrice, malo;  
 At mihi thesauros, Castrice, cede tuos.*

## De Paulo.

361.

*Funeris extremi Paulus iam stabat ad horas,  
 Quo nil pauperius, sordidiusque nihil;  
 Attamen heredes pueros ex asse reliquit,  
 Sed cuius, rogitas? criminis ille sui.*

## Ad Lectorem.

362.

*Cum noster lepidos sales libellus,  
 Lector, non habeat, petis, rogasque  
 Cur pralo dedimus? fatebor; illo  
 Legi, qui sapiunt minus, libellos.*

## De Faustino Iuridico, &amp; Ollō Poeta. 363

*Iuridicus diues, Vates fit pauper; & aurum  
 Non utrique dedit sortis iniqua manus:  
 Faustinus gaudet cum coninge, litigat Ollus;  
 Ille etenim multum cœnat, at iste nihil.  
 Prodigium! lites illi pepere quietem,  
 Huic lites peperit Castalis alma quies.*

Ad

## Ad malum Poetam. 364.

*Carmina nulla facis, nisi sint ea turgida verbis,  
 Quæ renouant sonitu rancida sacra suo:  
 Persius è tumultu nobis rediisse videtur,  
 Atque iterum surgunt tempora Pacuuij;  
 Sed qui sic scribis, non mulces pectora, terres;  
 Quidquid enim scribis, triste cadauer erat.*

## De Natali D. Ioannis Baptistæ. 365.

*Sacra Deo veneranda facit de more Sacerdos,  
 Thurea dat Cælo munera, vota, preces,  
 Aliger en illi missus prædicit, ut infans,  
 Quem pareret, toto magnus in Orbe foret:  
 Obstupuit senior, dubiasque in pectore curas  
 Concipit, & dictis credidit ille minis:  
 Obmutuit, medijsque stetit vox territa labris,  
 Quàm benè, si nondum vox erat orta, silet.*



## Ad Bartholomæum. 366.

*Diues eras, tota notissimus Vrbe; nec ullus  
 Diuitias habui, Bartholomæe pares;  
 At modò qua risit vultu Fortuna benigno,  
 In gemitus facta est ingeniosa tuos:  
 Argenti multum dederat tibi pondus, & auri,  
 Et dederat culti iugera culta soli,  
 Atria præbuerat tangente vertice Cælum,  
 Et trabibus nitidas, marmoribusque domos;  
 Nunc eadem rapuit tibi prædia, substulit aurū;  
 Nec superest lectus, nec tibi parua toga:  
 Sed frustra quereris, quando vel perdere pellē  
 Fatalis mos est, Bartholomæe, tuus.*

## Ad Ponticum. 367.

*Deciperis si qua donas, te perdere dices:  
 Maius enim lucrum, Pontice, nemo facit.*





## Pentapolis Vrbes flammis aduſtæ. 368.

*Cum Veneris peſtis populos infecerat, Vrbes  
 Et cum fædarat moribus illa ſuis,  
 Ecce Deus mittit Cælo de vindice flammæ,  
 Hinc Vrbs cum populo decidit vſta ſolo:  
 O iuſtas nimirum diuini Numinis iras!  
 O dignum tanto crimine ſupplicium!  
 Sic benè punitur gens improba; debuit, inquam,  
 Pro Veneris fædis ignibus igne mori.*


Paulum.

369.

*Obuia qua ſcribis, ſunt optima carmina, miror;  
 Hac etenim fieri peſſima, Paule, ſolent.*

Ad Crispum de Maino. 370.

*Grāmata ſex Aſinus, ſex grāmata, Crispe, Mai-  
 Cōinet, & meritò; par erat ille Aſino. (nus*



Ad

## Ad Fabricium Iurisconsultum. 371.

*Fabricius meritò assimilas tua nomina Fabro,  
 Estis enim rarum Iuris uterque decus;  
 Ille fori leges, & dogmata scripserat Author,  
 Exerces sic tu dogmata sacra fori,  
 Sed maiora tamèn quantò tibi nomina crescūt,  
 Tantò tibi maius creuerat ingenium.*

## Ad Guzium. 372.

*Optima, qua scribis, tua sunt epigrāmata, Guzi;  
 Nam qui nulla facit, deteriora facit.*

## Ad Sextum. 373.

*Carmina purpureis tingis tua, Sexte, lituris,  
 Et tyria libros syndone, Sexte, tegis:  
 Fulget opus, cedroque madet, nardoque libellus,  
 At friget quidquid continet ille sinu:  
 Hinc quotiès voluo tua fulgida carmina, dico  
 Quòd scriptor bonus es, Sexte, Poeta malus.*

## Ad Marianum.

374.

*Sollicitis animis semp̄r, Mariane, laboras,  
 Nec partem frustra demis ab hebdomadis:  
 Prima dies tota est dulci sacra Poesi;  
 Altera pertractat grande Matheſis opus:  
 Iuridicas leges, & sacra volumina voluit  
 Tertia, Rhetorices dogmata quarta docet:  
 Cogitat astrorum causas, sortesque futuras  
 Quinta; docet pueros grammata sexta dies;  
 Ultima iam superest, quę septima dicitur, in qua  
 Quid facias non est, sed perijſſe potes.*

## Ad Ponticum Orchi.

375.

*Orcus eras: mōstrant tua, Pontice, nomina: mores  
 Demonstrant parit̄r, Pontice, porcus eras.*

## Ad Candidum.

376.

*Quòd fugias sēp̄r me, Candide, gaudeo: credas:  
 Nam fugere hoc nō est, Cādide, sed furere est.*

## Ad librum suum.

377.

*Il liber, & felix nostri pete limina Iuli,  
 Sat pedibus Iuli limina nota tuis,  
 Ast vgi contigeris doctissima tecta, memento  
 Laurigeras inter tutius ire domos;  
 Ne timeas astris equata palatia, tardos  
 Nec teneat gressus forma superba loci;  
 Verba meo Vati facias, Dominoque salutem;  
 Et referas animo vulnera fixa meo:  
 Qua me cumque premat, dicas, Fortuna; nec illi  
 Te pigeat curas exposuisse graues:  
 Pauperiem narra: dederit tibi munera, & aurum;  
 Dona etenim nobis contribuisse solet:  
 Sis lacerus quamuis consumptis vestibus, ito;  
 Nam tua purpurea syndone membra teget.*

## Ad Fabritium.

378.

*Nomina Fabritij deponas, nomine fias  
 Febrilius; sic te febris iniqua premat.*

## Ad Charinum.

379.

*Cænas sub laribus, Charine, bellis,  
 Et fulgentibus hinc, & indè: fontes  
 Juxtà profiliunt amantiores,  
 Et dulci resonant fluuntque lapsu,  
 Et dulci strepitant fluuntque cursu,  
 Juxtà fructiferos nitet per Hortos  
 Autumnus gravidus nimis Lyao,  
 Et pomis gravidus nimis; sed intèr  
 Tot proscenia delicata, & intèr  
 Tot spectacula, mi Charine, bellè  
 Cænando, benè non, Charine, cænas.*

## Ad Angelum de Simone Oratorè. 380.

*Simone, anagramma, Omne is.  
 Cætera dicentium sileat Facundia posthac;  
 Vnus Is Omne suo claudit in ingenio.*



## Ad Amicum.

381.

*Ambo sumus Vates, et carmina scribimus ambo;  
 At non ambo sumus munera ferre pares:  
 Disticha parva tibi dāt maxima munera: Musis  
 Disticha maxima dant munera parva meis.*

## Ad Ovidium Fameglino.

382.

*Nil tibi de toto superest cognomine, verum est;  
 Quam duplex, Ouidi, syllaba prima: Fames.*

## Ad Claudium.

383.

*Claudus debueras dici non Claudius, inquam;  
 Nam pedibus fueras claudus, & ingenio.*

## Ad Bythinicum furem.

384.

*Non podager, chirager fias, Bythinice, vellem;  
 Vna etenim solita est diripuisse manus.*

## Ad Lectores.

385.

*Hac cecini, tumulus me cepit; discite qui nunc  
 Hac legitis, pariter vos capiet tumulus.*

## Ad Paulum. 386.

*Appositas intèr mensas, & fercula Paulus  
 Visus erat mæstis illachrymare genis:  
 Credite: dira fames cogit plorare quòd omnes.  
 Vno non poterat dente vorare cibos.*

## Ad Popilum. 387.

*Infelix sempèr cur sis vis, Popile, dicam?  
 Cum concubinis, Popile, vita tua est.*

## Ad Fabianum. 388.

*Arma tibi non sunt, cùm dicis, falleris, inquã;  
 Lingua tibi est, alios qua, Fabiane, feris.*

## Ad Philomusum. 389.

*Nequidquàm noctes totas, Philomuse, laboras;  
 Non labor, argentum nunc sapuisse facit.*

## Ad Alanum. 300.

*Miles es, & malus es; miror non attamen illud:  
 Nam facile est miles quòd sit, Alane, malus.*

## Ad Cæcilianum.

391.

*Lēgisti lususque meos, tenerosque libellos,  
Sed legi frontem, Cæciliane, tuam;  
Consilij insani me corripis; esse lepores  
Indignos dicis, ridiculosque iocos:  
Id patior: demōstrat enim frons pessima quòd sis  
Pessimus inuidiæ, Cæciliane, socer.*

## Ad Tuccam de Martino.

392.]

*Martinus dici cognomine, Tucca, merebas;  
Plura etenim gestas cornua fronte Caper.*

## Ad Franciscum.

393.]

*Nomina Franciscus tribuit, sed debuit idem  
Stigmata, vel rigidam contribuisset Crucem.*

## Furianus.

394.]

*Et fur, & furia es, monstrat tua nomina, prima  
Ultima iungatur syllaba, funus eris.*



## Ad Paulum de Seuino. 395.

*Vnum præ reliquis amo Seuinum ,  
Sed causam nimij rogas amoris ?  
Legas posteriore parte nomen ;  
Vinum diligo, Paule, non Seuinum .*

## Ad Ofchum Amore. 396.

*Imponi cognomen Amor tibi debuit, Ofche ;  
Mater enim Veneri par, similisque tua est.*

## Ad eundem. 397.

*Nō cognomē Amor dare debuit, Ofche, sed ignes,  
Quos gestat; pereas ignibus, Ofche, meres.*

## Ad Gallum. 398.

*Te Papam faciunt mores, cognomina Gallum;  
Hinc meritò dicam, quòd Papagallus eris.*

## Ad Alanum. 399.

*Qui gentilitio surgunt supèr athera montes,  
Ingenio quòd sis altus, Alane, notant.*

## Ad Candidum. 400.

*Erravit Muti fortissima dextera; sed nunc  
 Errorem fecit barbara lingua parem:  
 Qua tamèn erravit manus improba sēt ijt ignē,  
 Sic ignē digna est barbara lingua pati.*

## Ad Eundem. 401.

*Dicere debueras ignitus, at ignitus effers:  
 Qui lingua errorem corrigat, ignis erit.*

## Ad Fratres. 402.

*Tres estis fratres; Paulinus corpore longus,  
 Postumius verbis, Cinna bibendo merum.*

## Ad Lælium Paschale. 403.

*Nomine pinguescis, Lali, sed fronte macrescis;  
 Hinc dicam quòd sis pinguis, & ore macer:*

## Coniugum tumulus. 404.

*Vnus Amor fuerat vivis coniugibus; vnus  
 Extinctis paritèr par erat & tumulus.*

## Ad Postumum.

405.

*Bonus Grammaticus, bonusque Rhetor,  
 Vates, Astrologus vocaris idem,  
 Dicis omnia nosse, Tulliosque  
 Et doctos Socrates, Horatiosque;  
 Necnon ingenio prais Marones;  
 Sic rumor celebrat, canitque laudes  
 Tuas, Postume, sic frequentiores  
 Te plaudunt socij, probante catu;  
 O vulgus nimia loquacitatis!  
 O mentes hominum leues! vel unam  
 Nescis literulam, tamèn vocaris,  
 Atque diceris omnium Magister,  
 Vnus omnibus eruditiorque:  
 Cælum, Postumè, testor, & Deorum  
 Testor veridicus sublime Numen:  
 Nescis grammata, literasque nescis.*



## De Olo.

406.

*Antè focus stabat flammis ardentibus Ollus,  
 Vrebat nimius corpora tota calor:  
 At postquam agnouit fuerat quòd mortua cõiux  
 Antè focus tremuit, frigus & Ollus habet.*

## Vita humana.

407.

*Æneas fuerat, fuerat, vel dicimus, Hec̃tor:  
 Protogenes nihil est, Parrasiusque nihil:  
 Vixerunt, nunc umbra iacēt; sic postera dicent̃  
 Tēpora; nã nos qui viuimus, umbra sumus.*

## Ad Galliam meretricem.

408.

*Vix orimur, morimur; sis, Gallia, pulchra; sepul-  
 Te capiet; Veneri venerit atra dies: (schr̃um  
 Quid nimio minio iuuat ora pulisse & perisse  
 Tempus erit: tandē fiet Amare Mori.*



## De Acerra.

409.

*Democritus lepido risit sua tempora vultu ;  
 Nunc etiam tempus ridet Acerra suum :  
 Quanam Stultitia est? quamã Dementia maior?  
 Ille malos risit, ridet Acerra bonos.*

## De suo libro.

410.

*Deserit exosus iam scrinia nostra libellus,  
 Ecce petit Mundi magna theatra liber :  
 Cernat opus, tenues videat quicumque labores;  
 Candidus ista legat, Liuidus ista legat :  
 Nã bona, qua carpas, sũt, Liuide, carmina; versus  
 Suntque mali, quos tu, Lector amice, probes.*

## Ad Ligurinum.

411.

*Plura loquuturum mihi te, Ligurine, fateris;  
 Atque unum hoc repetis terq; quaterque die:  
 Attamèn, ut video, nũquam id prestaueris; ergo  
 Verba mihi dare vis, an, Ligurine, loqui?*

Ad

## Ad Pontanum adolescentem. 412.

*Experior, Pontane, Mare est, an credis? amare;  
 Hinc Venus è medio dicitur orta mari:  
 Sic agitor fluctu crudelis amoris amaro;  
 Est & amatori Vita perenne Mori:  
 Naufragium tergis instat, Pontane, peribo:  
 Sed facias Pontem nomine, tutus ero.*

## Memento Homo quòd pulvis es. 413.

*Exiguus dederat quondam cunabula pulvis;  
 Nunc quoque pulviculus vilis, & umbra sumus;  
 Quid tantum insanos animos, & pectora tollis?  
 Pulvis eras, natus pulvere, pulvis eris.*

## De Piscibus pictis. 414.

*Viderat exigua pictos in imagine pisces  
 Ludere fallacis per vada picta maris,  
 Blandita est Natura sibi, quos fecerat Ollus,  
 Arte suos, pisces credidit illa suos.*

Ad

## Ad Horatium Poetam. 415.

*Restituant iterum terris si fata Maronem,  
 Quo Duce, perpetuum Mantua nomen habet,  
 Vel numeros tunc ille tuos aequaret, Horati;  
 Vel numeris victus cederet ille tuis.*

## Salomon de marmore. 416.

*Cernitis Augustos phario de marmore vultus?  
 Spirat Idumaei Regia forma senis:  
 Quid nunc marmorea Salomō in imagine? durus  
 Illecebris Venerum debuit esse lapis.*

## Ad Castricum. 417.

*Qui calybes acuis, dicas mihi, Castrice, quare  
 Ingenium poteras non acuisse tuum?*

## Ad Antonium. 418.

*Quid notat, Antoni, qui stēmate pingitur Vrsus?  
 An quia prada meres unguibus esse suis?*

Po-

## Postumij Domus.

419.

*Hic ubi deiecit spatiosa palatia, & imo  
 Strauit humo nitidas vasta ruina domos;  
 Postumius vixit latijs notissima Musis  
 Progenies, Phæbi cura, Poesis Amor:  
 Atria conspicitis? plus hac dilexit Apollo,  
 Quàm iuga Permessi diligat ille sui:  
 Hic quondàm fuerat sedes gratissima Vatùm;  
 Hic stetit Aonidum, Castalidumque locus:  
 Nunc equata solo sunt omnia; fleuit Apollo,  
 Musarum toto collachrymante choro.*

## Ad Maledicum.

420.

*Accepit quondam Cæsar, Bruto auspice, funus:  
 Romulei docet id Curia sacra fori:  
 Nunc ego vel Cæsar, te vindice, sentio funus,  
 Qui fueras animo Brutus, & ingenio.*



K

Ne-



## Nero de marmore.

421.

*Cernitis humanos spirantia marmora vultus?  
 Vivit in effigie fictilis ore Nero:  
 Nobilis hac statua est, quoniam de marmore: totis  
 Par est exemplo copia tota suo.*

## Ad Postumianum.

422.

*O qui nobilium de sanguine diceris ortus,  
 Et de Cæsaribus, Postumiane, venis:  
 Quos tibi porrigimus noli spreuisse libellos,  
 Hac sunt obsequij parvula vota mei:  
 Principis officiũ est dare maxima: Principis ergo  
 Sit pariter grata sumere parva manu.*

## Ad Aedificantes.

423.

*Quid iuvat aetheras ad sidera tollere moles?  
 Quid latè magnas explicuisse domos?  
 Vel sit par Orbi domus hac, vel grandior Orbe;  
 Illa tamen vestra est ambitione minor.*

Ad

## Ad Amicum. 424.

*Ingenium es totus, non parvus Rhetor, Apollo  
Alter, Musarum es haud decus exiguum.*

## Retrogradum. 425.

*Exiguum decus, haud es Musarum alter Apollo,  
Rhetor parvus, non totus es ingenium.*

## Ad Marianum. 426.

*Qui Rhetor fueras, melior, Mariane, fuisses  
Vel pecudum Rector, vel Mariane, suum.*

## De Iulio. 427.

*Iulius exercet venalia iura, sed ille  
Utilior, coleret si sua rura, foret.*

## Ad Ponticum. 428.

*Mappa tua mensa sit sordida, Pontice, quamvis;  
Iure tamèn dicam, candida mappa tua est.*

## Ad Iulium de suis libellis. 429.

*O laus Palladis, o decus Minerua ,  
 Nostri Gloria, nobilis Lycai  
 Voluptas, Venerum lepos, Amorum  
 Ritus, delictumque gratiarum,  
 Iuli, carmina, candidosque lusus  
 Legas Memnosynon tui sodalis,  
 Legas, vipereo carent aceto  
 Quotquot docta manus iocos reuoluet:  
 Mel dicat calamo, fauosque nostro,  
 Dulces ambrosias, salesque dulces  
 Splendor Pegasidum, nitorque Phæbus.*

## Ad Lectorem. 430.

*Qui nugis, lepidoque legis mea carmina multo  
 Sparsa sale, & multo carmina sparsa ioco;  
 Si placui, placeas, carpas mea carmina; sed si  
 Displicui, plaudas carmina, displiceas.*

REGIA

Poc-

## Poetae Epitaphium.

431.

*Hic iaceo, fueram Patriæ qui gloria quondam*

*Rara mea, Musis clarus, & ingenio:*

*Vix primos subij vitæ florentis Apriles,*

*Cum secuit vitæ stamina Parca mea:*

*Exiguus ergò noli privare sepulchrum*

*Fletibus; ad cineres lumina mæsta gemant:*

*Sic decorent tumulum post tæpora longa Nepotes,*

*Et cineres coniux defleat antè tuos.*

## Ad Metrodorum Poetam. 432.

*Quid Metrodorus resonant tibi, pessime Vatùm,*

*Nomina, si calamo ferrea metra facis?*

## De Lucio.

433.

*Lucius agrotat; casu tristamur acerbo;*

*Ægrotasse parum est; debuit ille mori.*



## Ad Postumum de Gallo. 434.

*Prædia Gallus habet quāplurima; Postume, nosco;  
 Sed quæ Gallus habet prædia, non sua sunt:  
 Atria Gallus habet quāplurima, Postume, nosco;  
 Atria sed paritèr, Postume, non sua sunt:  
 Cornua Gallus habet quāplurima, Postume, nosco;  
 Hac sua sunt, dicas, Postume; nam sua sunt.*

## Ad Papilum. 435.

*Quòd Pistor fueras, vix credam, Papile, quando  
 Nene facis panem, Papile, neue vides.*

## Ad Eundem. 436.

*Pistor es, & macer es, miramur, Papile; panem  
 Qui facit, haud vultu debuit esse macer.*

## De Lælio. 437.

*Lælius ut sapiens turba iactatur in omni:  
 Plus tamèn est nobis, scilicèt insipiens.*

Ad

## Ad Actium Medicum, 438.

*Æger eram, Mortis stabam propè limina: sed tu  
 Pulveris accipiam munera parva iubes:  
 Sic dicis quòd sanus ero; sed falleris, Acti;  
 Pulvis enim tumuli funera nigra notat.*

## Ad Iulium. 439.

*Et Pater, & Mater perijt cum coniuge proles:  
 Quid superest, Iulie tu moriare, velim.*

## Ad Postumum. 440.

*Quid generat natura maris sub gurgite gēmas  
 Postume? diuisa, ceu fluit unda, fluunt.*

## Ad Paulum. 441.

*Cōtraxit mihi, Paule, pedū fors improba nervos,  
 Immisit morbum cruribus illa meis:  
 At mihi poscenti nil das pro munere: dicam  
 Quòd cōtracta tibi est utraque, Paule, manus.*

## Ad Lectorem de suis libellis. 442.

*Si nostros lepidos emes libellos,  
 Nugas voluere sæpius memento,  
 Venustos capies iocos, salesque,  
 Et grates dederis libentèr, atque  
 Habebis mihi maximas legendo;  
 Sed postquàm labor opprimit, manuque  
 Pigebit, studiose Lector, ultrà  
 Chartas voluere, supplices rogamus,  
 Custodi lepidos, bonosque lusus:  
 Quò mittam tamèn, inquires? in ignem.*

Author suæ Patriæ alloquitur, quæ  
 flores facit in stemmate. 443.

*O qua natales dederas mihi, Patria, Cunas,  
 Patria carminibus splendida facta meis,  
 Sume animos, attolle caput super aethera: cedunt  
 Iam tibi belligeri mœnia celsa senis:  
 Romuleas arces non hinc invideris Orbi;  
 Plus etenim reliquis Urbibus una nites:  
 Magna tibi nostro de carmine Gloria venit;  
 Castalijs cedit fontibus unda Tybris:  
 At sis grata tamèn, carpas de stemmate flores,  
 Et facias Vati debita sexta tuo.*

## Ad Lectorem.

444.

*Legisses iam nunc, Lector, mea carmina: cum is  
 A teneris tenerum Musa peregit opus:  
 Sed vetuit Fortuna nimis contraria voto,  
 Nec fuit exiguas qui tribuisset opes;  
 Mæcenas deerat, deerant sestertia, & aurum;  
 Virgilius quamvis natus in Orbe foret:  
 At nunc accipias lusus, nugasque reuolue,  
 Qui dederas Musis aurea dona meis:  
 Plura tamèn legeres multo dignissima plausu,  
 Sed me Pauperies vexat, & una premit.*

## Ad Ellium.

445.

*Mentitur quisquis Mundum mare dixerit, Ellii;  
 Mundus enim monstrat nil habuisse salis.*

## De Gellia.

446.

*Cùm pictam Venerem staret propè Gellia, dixi,  
 Altera depicta est, altera vera Venus.*



## Ad Fabium.

447.

*Venator fueram, leues sequebar  
 Per montes lepores, aprosque: nobis  
 Mittis propterea, Fabi, pharetram;  
 Sed pro muneribus Deos rogamus  
 Quòd tibi dederint, Fabi, pheretrum.*

## Ad Sextum Poetam.

448.

*Sextus diceris, & Poeta: Musis  
 Primus diceris, & Poeta nobis.*

## Ad Paulum.

449.

*Edidit immerisò boletos Claudius olim,  
 Et perijt; nec te funera, Paule, latent:  
 Nunc tibi boletos grato pro munere mitto,  
 Quid vellem paritèr noscere, Paule, potes.*

## Ad Dentonem.

450.

*Dentonem meritò dicunt te nomine, quando  
 Dente soles versus dilacerare meos.*

De

## De Fabiani Philomela. 451.

*Inclusam caueis volucrem Fabianus habebat,  
 Qua Domino fuerat deliciosa suo:  
 Manè dabat vario vocum modulamine cantus,  
 Et matutino dulcius ore melos:  
 Gaudebam tutis animis vicinus; abibat  
 Ad sonitum luctus, tristitiaque dolor:  
 Sed perijt tandem, lugemus funera; par est;  
 Et sic qua dederat gaudia, dat lachrymas.*

## De Eadem Epitaphium. 452.

*Qua modò sylvarũ cecinit Philomela per ũbras,  
 Heu scelus! hìc mæsti funeris umbra iacet;  
 Et qua sub caueis fuerat Sirenula cantu,  
 Sub tumuli paruo marmore clausa gemit:  
 Ah decuit! volucer quo tempore fata subiit,  
 Debuerat Dominus fata subire suos.*



## De Eadem.

453.

*Siste, hospes, tumultū spectā, paruumq; sepulchrū,  
 Conseruat cineres hīc Philomela suos:  
 Delicia Domino fuerat, mihi risus; utriq;  
 Nunc gemitus facta est, perpetuusque dolor:  
 Dic igitur nimum crudelia fata, Viator,  
 Quod mihi, quod Domino diripere iocos.*

## De Viperiano.

454.

*Viperianus erat, lacerat mea carmina; sic est  
 Vipera, qui nup̄er Viperianus erat.*

## Ad Oratorem N. N.

## De Beato Aloysio Gonzaga. 455.

*Quod lapidi similis fuerat Gonzaga, peroras;  
 Et merita nobis cum ratione probas:  
 Carnis ad illecebras, fædique Cupidinis illum  
 Immotum lapidem nouerat esse Venus.*

## Ad Eunniū Orchī. 456.

*Orchi, anagramma, Hirco.**Hircus es id nōstrāt anagrāmata nominis, Eū-  
Hircus es, uxoris pessima facta docēt. (ni;*

## Ad Iulium Pulcharelli. 457.

*Non Pulcharelli sunt debita nomina, Iuli;  
Sed Porcarelli nomina digna ferent.*

## Ad Cæcilianum. 458.

*Extinctos tantū laudas, veteresque Poetas,**Et Vates carpis, Caciliane, novos:**At noua, qua scribis, laudari carmina velles;**Sed pereas, laudes, Caciliane, dabo.*

## Ad Sabellium de Oschio. 459.

*Quarè palleat Oschius, requiris?**Nobis inuidet Oschius, Sabelli.*

Ad

## Ad Octavium.

460.

*Rexerat Imperio populos Octavius ; Orbis  
 Hinc illum dignis laudat in historijs :  
 Sed tibi maiorem, Octavi, det Fama triūphū :  
 Moribus es tu Rex, ille sed imperio.*

## Ad Marcum Seuino.

461.

*Si fortassè sitis craciet tibi guttura ; vinum,  
 Quod nomen monstrat, Marce, bibisse potes.*

## Quidam librum in manu habebat, 462.

Qui furtum licitum assererat.

*Hic liber, illa manus mos est equalis utrique ;  
 Ille etenim furtum precipit, ista facit.*

## Ad Marianam.

463.

*Quòd Veneris, Mariana, die sis nata ; docemur  
 Quòd fueras vultu vel, Mariana, Venus.*

## Ad Tuccam Fiano.

464.

*Cognomen resonat, nosco, tibi Tucca, Fianus ;  
 Sed Ru coniungas, sic Rustianus eris.*

Ad

## Ad Paulum Frangizero. 465.

*Carmina, Paule, mihi dederas, nūc sepè requiris  
 An valeant? vel si displicuere? rogas :  
 At quanti valuit cognominis ultima duplex  
 Syllaba, vix tanti carmina, Paule valent.*

Ad Adm. Reu. P.

D. Petrum Caualcante

Oratorem celeberrimum

In templo SS. Petri, & Pauli. 466.

*Nomine par Petro tu, Petre, vocaris, & illi  
 Assimilas mores, officiumque tuum :  
 Alter Euangelij docuit sacra dogmata, & alter;  
 Laudat uterq; Crucē, laudat uterq; Fidem ;  
 Predicat ille Orbi Christi mysteria, & Orbi  
 Predicat hic: Cœli monstrat uterque viam:  
 Illum Pontificem coluit pia Roma, mereres,  
 Sic te Pontificem vel pia Roma colat.*

Ad

## Ad Eundem. 467.

*Petra Petrus fuerat, Christus qua desuper olim  
 Dicitur Ecclesia constituisse domum:  
 Tu pariter Petrus Petra es, qua desuper altè  
 Eloquij innixa est ingeniosa domus.*

## Ad Eundem. 468.

*Hic ubi consurgit Cælo venerabile Templum,  
 Et stat Veridico Regia sacra Deo,  
 Tartareo steterant altaria mille Tyranno,  
 Et steterant stygijs Numina mille Dijs,  
 Sed postquam edocuit Petrus pia verba, fuerunt  
 Alta ruinoso diruta templa solo:  
 Nunc quoque tu Petrus nobis diuina peroras  
 Dogmata, & eloquio crimina fracta cadunt,  
 Attamen haud unum, sed centum altaria, centum  
 Templa aperit meritis Gloria, Petre, tuis.*



## Ad Eundem.

469.

*Orbis Alexādrum quondam spectavit, & illum  
Imperio sobolem credidit esse Iouis;  
At nunc Parthenope spectat tua Verba, Mineræ  
Quòd soboles fueras, credidit ingenio.*

Ad Adm. Reu. P. Thomam Strozzi  
è Societate Iesu Oratorem val-  
dè nobilem.

470.

*Quòd iugules, Strozzi, nosco, cognomina mōstrāt;  
At mihi, quid iugules? expticuisse velis:  
An iugulas Erebi dulci sermone cohortes?  
An iugulas dictis crimina fœda tuis?*

Ad Eundem quòd prædicauerit suprà  
illud Memento Homo, &c.

471.

*Vnus diuino de puluere vixit Adamus;  
Nunc animas animas puluere mille tuo:  
Hinc possem dixisse (mibi si fortè liceret)  
Quòd fuerat, Strozzi, te minor ipse Deus.*

L

Ad



Ad Eundem.

472.

*Serpentum furiosa lues, fœdissima pestis  
 Emoritur, iactō puluere, Stroze, doces :  
 Hinc didici sparsisse tuo de puluere carbās,  
 Inuidia poterunt sic quoque monstra mori.*

Ad Eundem .

*Debuerat tribuisse tibi sua nomina Thomas ,  
 Nam parili fueras Angelus ingenio .*

**Ad Adm. Reu. Iacobum Lubrano è So-  
 cietate Iesu Oratorem optimum. 473.**

*Iacobus fueras, septem tua nomina claudant  
 Literulas, constat, nec latuisse potest:  
 Literulas septem claudit quoque Tullius, illi  
 Sic totus par es nomine, & eloquio.*



Ad Excellentissimum Dominum GASPAREM DE  
 HARO, ET GUSMANO, Regnique Neapoli-  
 tani iustissimum, ac ter pijssimū Pro-  
 regem, quòd fratrem è laqueo vi-  
 decreti debito liberaverit. 474.

*Sanguineū facinus, crimenq; admiserat audax,  
 Qui mihi coniuncto sanguine frater erat:  
 Curia damnarat laqueo (miserabile fatum!)  
 Et dederant illum publica iura neci:  
 Lugebat lethum mater tristissima vultu,  
 Lugebat frater cumque sorore pater:  
 Undique vel populus, vel plebs, vel nobilis ordo,  
 Irriguo lachrymas tristis ab ore dabat:  
 Interea Gaspar Princeps iustissimus Urbis  
 Infami fratrem vindicat è laqueo:  
 O miranda diu clementia Principis! illi  
 Dat vitam, cui mors debita pœna fuit.*



Ad Eundem, 475.  
 Quòd Parthenopem piam reddiderit.

*Parthenopen Astrea procul iam fugerat, illi  
 Iuncta comes fuerat Religiosa fides:  
 Undique regnabant fraudes, & crimina passim,  
 Undique vastarat sæua rapina domos:  
 Te tamèn ut populus, Gaspar iustissime, vidit,  
 Religio redijt candida, crimen abit:  
 Parthenope veteres posuit, te Principe, mores,  
 Et quæ visa modò est improba, facta pia est.*

Ad Eundem quòd argenteas monetas  
 cudendas curauerit. 476.

*Visus erat mediã populus lachrymare per Urbẽ,  
 Et plebs quòd nimium falsa moneta foret!  
 Hinc tua te Pietas mouit, liquare metallum,  
 Quo fieret populo iusta moneta, iubes:  
 Propterea lachrymas posuit, questusq; frequẽtes  
 Pauperies, gemitus nullus in Vrbe sonat:  
 Argentum populo dederas; simulachra merenti  
 Ex auro populus mox tibi mille dabit.*

Ad

## Ad Eundem de eodem. 477.

*Iuppiter in pluuium sese mutauerat aurum,  
 Credimus, id Vatum pagina sacra docet.  
 At nunc argenti nimius diffunditur imber,  
 Vidimus, id pietas Gasparis una facit:  
 Iuppiter, & Gaspar quòd amēt sic mōstrat uterq;  
 Parthenopem hic, Danaë diligit ille suam.*

Ad Innicum Caracciolo Archiepiscopū  
 Neapolitanum quòd Archiepisco-  
 palem Ecclesiam renouauerit. 478.

*Qua fuerant ruitura solo sacra templa, diuque  
 Sub tenebris steterant semisepulta suis,  
 En renouas, sumptuque pio meliora resurgunt,  
 Et duce te, vultu nobiliore nitent:  
 At quid reddiderit tanto pro munere Cælum?  
 Romulei Imperij debita sceptrā dabit.*



## De Eodem.

479.

*Innicus est Praeful, monstrant sua nomina: Caelū  
Exemplo nobis indicat ille suo.*

## De eiusdem obitu.

480.

(bra est,

*Vixit, at in tumulo nunc clauditur Innicus; um-  
Et pulvis, nostrae qui fuit Urbis honor :  
Hinc discat quisquis legit hac : mors omnibus  
aqua est;  
Neue illam retinent sceptrā, nec Imperia .*

## Ad Parthenopen de eiusdē obitu. 481.

*Parthenope, lachryma, mæstis resfluētibus undis,  
Nec tua funereus deserat ora liquor :  
Innicus occubuit, sed fallor; tu ipsa peristi ;  
Namque, aleret qui te Religione, obijt.*



## Eiusdem Epitaphium. 482.

*Viuit in effigie, quam spectas, Innicus, Hospes ;  
 Augustos vultus nobile marmor habet:  
 Antè diem tumulumq; sibi, mæstumq; sepulchrũ  
 Condiderat nigri funeris ille memor:  
 Vidit Olympiades plures, & lustra: senectus  
 Sparset at hinc niuibus, sparserat indè comas;  
 Vix incedebat languenti corpore: vires  
 Exigua, exiguus robore sanguis erat:  
 Gutta illũ ueruit tãdèm, perijt que; sub urna hac  
 Nunc iacet, & recubant ossa, miserque cinis:  
 Parthenope mortem lugeat, latè que per Urbem  
 Nemo potest lachrymas continuisse suas:  
 Et Rectum, & Pietas obijt, morumq; Magister,  
 Exemplar populi, maxima norma senum.  
 Vndiq; stant lachryma: sic paruula gutta dolatũ  
 Parthenopen tristi merfit in Oceano.*



De Sanguine Diui Ianuarij, qui obdu-  
ruit antè Innici funus. 483.

*Saxeus in vitreis phialis sinè motibus ullis  
Præsulis obduro sanguine sanguis erat :  
Causa latet: lachrymât ciues, Vrbs ingemit om-  
In populo tristis luctus ubique sonat: (nis:  
Prædicunt alij bellum, pestemque, famemque;  
Prædicunt alij funus, & excidium:  
Sed frustra: causa est una hæc verissima: funus  
Præsentit magni Præsulis ille sui.*

Ad Paulinum. 484.  
Quodd Sepulchrum quadrangulum sit.

*Quattuor in partes factū est, Pauline, sepulchrū,  
Et partes pariter quattuor Orbis habet :  
Nā quotquot viuunt, vel quot vixere per Orbē,  
Aut paruo in tumulo sunt cinis, aut fuerint.*



Ad Reuerendis. P. Antonium Auersana de Auersa ex Ord. Min. Conu.

Præpositum Generalem. 485

O Decus Ecclesia, Fidei munimen, & ultor,  
 Hæreseos Victor, Persidiaque timor;  
 Ingenio subiecta tuo sunt omnia, noscis  
 Omnia, nène aliquid te latuisse potest:  
 Tartarei Regni furias effrangis, & ausus,  
 Armatus calamo, Religione pius:  
 Pestiferum toto iam crimen ab Orbe fugasti  
 Consilioque potens, Iudicioque potens:  
 Hinc tua sublimis sublimia premia Virtus  
 Obtinuit, paruo tempore maior eris:  
 Tantus honos animos nostros exsciuuit, & auxit;  
 En Fidei Vindex bella vel ipse gero:  
 Herrescunt hostes latè resonantibus armis,  
 Me cingit telis maxima turba suis,  
 Desperanda mihi penè est Victoria: paruus  
 Est animus, Clypeus debilis, atque rudis:  
 Sed tu præsidium mihi sis, & nobile robur,  
 Antoni, & vires suffice, & ingenium:  
 Stet pro me Taurus pictus sub stemmate cordis  
 Magnanimus, nostra est Laurea, Victor ero.

Ad



Ad Adm. R. P. Petrum Antonium Alexandrino Sacrum Oratorem. 486.

*Magnus Alexander tibi dat cognomina, miror;  
 Nil etenim par cum milite Rhetor habet:  
 Iste manu calamum tractat, dulcesque papyros,  
 Ille sua gladium tractat, & arma manu;  
 Magnanimus Miles populos expugnat, & urbes;  
 Ore homines mulcet Rhetor, & Eloquio:  
 Sed par nil habeat quamuis cum Rhetore Miles,  
 Sit dispar fandi Laurea Militia;  
 Nomen Alexandri tibi conuenit attamen, ille  
 Est gladio, sed tu maximus ingenio.*

Ad Adm. Reu. P. Philippum Setaiolo,  
 quòd senex sit, & eloquens sit. 487.

*Audiui: miranda tibi est Facundia lingua;  
 Obstupui ingenium, doctæ Philippe, tuum:  
 Sis licet & longo senio confectas, & æuo,  
 In te Religio floret, & Eloquium.*

Ad Eundem quòd Christum Domi-  
num in alto deserti culmine de-  
scripserit. 488.

*Monstrasti nobis alto sub culmine montis  
(Adfueram, audiui feruida vërba) Deum:  
At mecum tacitus, sit mons altissimus, inquit,  
Ille tuo nunquam est altior ingenio.*

Setaiolo. 489.

*Quattuor est totus diuisus finibus Orbis,  
Dat tibi cognomen syllaba vel quadruplex:  
Scilicèt & famam nomenque tuosque triūphos,  
Cum Rhetor sis, pars qualibet Orbis habet.*



Ad Eundem quòd quasi totam Parthenopem ad se eloquio traxerit. 490.

*De Cruce pendeat stillanti sanguine Christus,  
 Latè unam toto corpore vulnus erat,  
 Ad se Latronem traxit, qui proximus illi  
 Adstabat noxis sordidus, & scelere:  
 Nec miror, miror sed te, tua verba stupeſco,  
 Et iunctam nimia cum Pietate Fidem:  
 Ad te Parthenopen totam trahis, undiq; gēs est,  
 Quam tutam ex Erebo reddis, & incolumē.*

Ad Eundem quòd pietatem in Auditorum animis imprimeret. 491.

*Fulminat Eloquio tua feruida lingua, videtur  
 Parthenope crimen deposuisse suum:  
 Reddidit Augustus Romam de marmore, sed tu  
 Parthenopen reddis Religione piam.*



Ad Adm. Reu. D. Laurentium Guarnerij quòd Emanuelis Aluari Grammaticam ex Latino in Italicũ idioma cum additamentis transmutauerit. 492.

Alludit Author ad eius Patriam, quæ Ciuitas fuerat, sed populi disensionibus nunc Terra est.

*Vrbs celebris fuerat, sed nunc tua patria Terra  
 Lis illã populi degenerasse facit; (est,  
 Sed fuerit mox illa eadem ter dignior Orbi,  
 Et sibi nobilius surget ad astra decus:  
 An dubitas? credas, dicunt presagia verum,  
 Et verum Vatis docta Thalia docet;  
 Nã quod scribis opus per sacula viuere dignũ,  
 Et que condideras Grammata docta nimis  
 Maiorem facient, reddentq; vel Urbibus illam,  
 Et, te Cive vno, cedere Roma potest.*

[Ad Adm. R. D. Benedictum Monachet:  
 ti quòd in Templo Neap. D. Au-  
 gustini Doctorali Theologiæ  
 laurea initiatus sit. 493.]

*Par Augustino consurgit nobile Templum  
 Hic, ubi sumpta tibi est non sinè laude toga,  
 Ille sua patria Decus est, & Gloria, sic tu  
 Accedis patria gloria magna tua:  
 Ingenio, & mente Augustinus floruit, illi  
 Ingenia quasi par crederis esse tuo:  
 Monstra ille Ecclesia, Fidei confrègit & hostes,  
 Livorem sed tu vincis, & Invidiam.*

Ad Charinum. 494.

*Cùm fratres habeas, Charine, avumque,  
 Et mater tibi sit, Charine, & uxor,  
 Cur togas alijs, Charine, donas,  
 Et fufas tyrio colore vestes?  
 Hic, inquam, dolus est; Charine, & hamo  
 Piscari cupis aureo, sed erras:  
 Cantos non capies, Charine, pisces.*

He-

Helena Cornaria Piscopia  
Nobilis Venetae  
Epitaphium.

495.

*Hic Helena cineres clauduntur, & ossa, Viator;  
Pulchra urna est, animo pulchrior illa fuit;  
Claruit & graco, & latio sermone: Poesim  
Edidicit, Musas nouerat una nouem:  
Prodigium Venetis visa est, mirabile monstrum;  
Nec Cicero sapuit plus, nec Aristoteles:  
Et docta, & Virgo ciues superauerat omnes  
Dotibus ingenij, iure Pudicitia:  
Florebat teneris annis, viridique iuuenta,  
Nondum fœdarat prima senectæ comas,  
Cum perijt, parcis fatoque iubentibus; astra  
Ascendit, nituit moribus illa nimis:  
Troia Helena in flâmis ãmersit, & Ignibus; urbẽ  
Hac Venetã in fletu mersit, & in lachrymis.*



Ad Parthenopem de admirabili  
D. Ianuarij sanguine. 496.

O Caput Ausoniae, Mundi Regina, Sicani,  
Parthenope, Plausus, Deliciaeque soli;  
Aeternas capiti fortunatissima lauros  
Necte, triumphali pollice tange Lynam;  
Plaudere, nec hostiles timeas exterrita gentes,  
Nec turbent animos vlla pericla tuos:  
Tuta satis, sunt firma satis tua moenia, Muris  
Praesulis è sacro vertice sanguis adest,  
Hic fugat aduersas fido tutamine turmas,  
Hoc duce, quae surgunt bella, refracta silent;  
Hic domat euomitos aestus, bacchante Veseuo,  
Hoc duce, victa olim fleuit acerba lues:  
Da voces, itera plausus, festosque triumphos:  
Praesidium iam te, quo tuearis, habes:  
Prælia, Parthenope, tibi si commouerit Orbis,  
Hoc vno inspecto sanguine, fractus erit.



## De Eodem.

497.


*Fabricat Alcides geminas sub Sole Columnas,  
 Oceani que sint ultima meta maris,  
 Erigit ex geminas phialas de sanguine Præsul,  
 Perfidia iam qua meta suprema forent:  
 Confer opus, Siren, utrumque expende laborē,  
 Dixeris, Alcide, Gloria fracta tua est.*

## De Capite, &amp; Sanguine

Diui Ianuarij.

498.

*Hoc Caput, ille Cruor magnum Sirenis utrūq;  
 Prodigium, cui par secula prisca silent;  
 Nunc Caput aduerso turbatur sāguine, (mirū!)  
 Et qua sint Patria fata sinistra canit;  
 Nunc Cruor obdurus, populo spectante, liquefcit,  
 Et qua sint Patria Gaudia certa notat:  
 Cætera si spectes Orbis miracula, maius  
 Hoc unum, Siren, dixeris, Orbis habet.*





## De Diuo Ianuario 499.

Quòd Neapolim à peste vindicauerit.

*Parthenopen exorta Lues infecerat Urbem ,  
 Fuderat inque omnes atra venena domos :  
 Corpora languebant passim tabentia morbo ,  
 Quò quò vertebas lumina, funus erat:  
 Interea sacra qui stabat in aede , cruorem  
 Opposuit, Praesul, Ciuica turba tuum:  
 Sic victa est malefana Lues: ò nobile factum !  
 Fert cruor extincti Praesulis auxilium.*

## Ad Iulium de Fabulla. 500.

*Expolita comas, genasque, & ora  
 Satis culta nitet Fabulla, Iuli,  
 Sed quare id faciat, rogas? docebo:  
 Amari cupit, & cupit videri.*

E I N I S



# TYPOGRAPHI ADDITAMENTVM.



1874. 10. 12. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.





Adde hic in operis calce

*Perillustris Domini, & Amici*

**D. FRANCISCI ANTONII IACOBINI**

*Epigrammata quadam*

*Ingeniosa quidem, & non contemnenda,*

*Quæ sunt hæc;*

*Epigr. I.*

**Laudat Illustris. D. HIERONYMVM DE**

**NIGRIS Urbis Venetæ Residentis**

**filium optimum**

*Quod Elegiam quandam scripserit, cui titulus*

**CHRISTVS ORIENS.**

*Cum allusione ad eius stemma.*

*Luminibus geminis ardentia fulmina vibras,*

*Claraque Castalidum flumina ab ore fluunt;*

*Et si stellarum formoso stemmate fulges,*

*Plus fulges oculis carminibusque tuis:*

*Eos Reges traxerunt sidera, sed tu*

*Nos trahis & vultu, nos trahis ingenio.*

In eiusdem  
Illustrissimi D. Hieronymi  
laudem sic Ego .

*Pulcher es, & Vates, dulcissima carmina scribis,  
Nobile diuino spargis ab ore iubar : (bus  
Hinc dicā, & meritò quod sis, Hieronyme, Phæ-  
Quaque nitens vultu, quaque canēs calamo .*

*Epigr. 2.*

Illustris. Marchionem D. Alexandrum  
Raimundum cum Alexandro Magno  
comparat .

*Quid iactas habuisse tuis sub legibus Orbem  
Magnus Alexander ? vinceris Imperio :  
Alter Alexander gaudet moderamine mentem  
Et regere, atque animo ponere iura suo :  
Iam cessisse potes : docet aurea fama per Orbem  
Imperio te homines, hunc superasse Deos.*

*Cui Ego sic adieci*

*Ad eundem Marchionem.*

*Vicit Alexander populos, sibi maxima fama est,  
Maior Alexandro Victor es ipse tui :  
Franciscus Musis, & carmine laudat utrumque,  
Franciscus calamo maior utroque suo est.*

*Epig. 3.*

*Epigr. 3.*  
**Innici Cardinalis Caraccioli mortem  
deflet.**

*Quomodò, Pauperies, heù, sic deserta manebis,  
Plura dare haud poteris si tibi chara manus?*

*Quomodò, Parthenope, sic desolata iacebis,  
Si iacet extinctus, qui tibi lumen erat?*

*Quomodò, grex, poteris Sebethi viuere ad un-  
Si bonus ad Cæli sidera Pastor abit? (das,  
Virtus omnis abit, Pietas remeauit ad astra,  
Canaque cum vera Religione Fides,*

*Omnia collachryment, mæstus super athera cla-  
Tēdat, nulla adsint gaudia, nulla quies; (mor*

*At quid? sit procùl à nobis dolor omnis, & ater  
Luctus: Da, Siren Parthenopea, melos:*

*Angelica en Musa celebrant, quē plangis, in alto  
Heroem, alternis exhilarata cane:*

*Alternis modulari; solo si viuus in imo  
Protexit, melius proteget ille Polo.*



## Cui ego sic.

*Qua mihi misisti, legi tua carmina, laudo  
Et calamum tanti Vatis, & ingenium;  
Prasulis extincti describis funera; deflent  
Iacturam Pietas, Religioque Fides:  
Ultima carminibus qua scripta est dictio, laudes  
Non capit, Antoni, quas tua Musa meret.*



**Au**

*Author tandem ad Lectorem.*



RIA postremò hìc, Lector, advertas, rogamus ; primum est quòd quæ scripsimus pro genio scripsimus, nec personarum demeritum ex vitijs, nec earundem impietatem ex moribus aspeximus, sed animo dumtaxat, Musisque, & salibus satisfecimus ; proindè si quem fortassè dilaceratum nostro carmine agnoveris, nè putes quòd aliorù famam, aut lufibus deridemus, aut calumnijs denigramus ; hoc enim alienum sempèr habuimus à nostris pagellis, à nostris nugis, & iocis ; Nec prudentis est aliorum rubore sibi gloriam comparare : Alterum est quòd si quæ inveneris vocabula. aut parùm consona Romanis, purgatisque  
Sa-



Sapientùm auribus, aut quæ animis pudicis, pijsque aliquantulùm displiceant (quod quidè̄m vix credo futurum) nè putes Authorem insipientem, vel impudicum; nam vocès quædam pro argutiarum necessitate, quædam aliæ pro animi hilaritate in opere hoc exiguo, & nullius prorsùs momenti positæ sunt, & immixtæ: nec ab re, Lector, levia quædam, & risum vel Heraclito mouere apta passim perlegeris; sic enim & iuuenili ætati magis consultum esse putauimus, & Curis, quibus angimur quotidè̄, & excruciamur quammaximè̄; Nec vrbānum est rigido sempèr, ac seuerò vultu Catonem effingere, præsertim cùm ad amicos (quos hìc sub fictis personarum imaginibus venustè̄ abscondere visum est) alloquimur, vt tristes animi ægritudines iocis aliquantulùm

**I**ùm eleuemus: Tertium, & vltimum  
est quòd errores, quorum & alios sub-  
tùs adiecimus, & alios tuo iudicio ca-  
stigandos reliquimus: excuses velis, nec  
tanquàm Aristarchus dente illos dilace-  
res, aut Zoilus reprehendas; effluerunt  
enim partim ex inaduertentià, partim  
ex ingenij celeritate, quæ vel maximos  
viros non parùm sæpè sæpiùs obscura-  
vit; Quod equidèm effeceris, vt arbitra-  
mur, si probus fueris, & prudens, vel  
agnoueris, quòd error humano animo  
innatus sit, & ingenitus, nec vllus vn-  
quàm adhuc extitit ex ijs omnibus, qui  
literarum exercitationibus nocte, diùq;  
impallescunt penè exanimes, qui ali-  
quandò non errauerit inconsultò: Vale,  
& tueare.

IN-

# INDEX ERRORVM

Cum suis Castigationibus.

## Error 1.

Ex pag. 11. epigr. 19.

*Apposui? nobis, Ceciliane, rogas:*

Castigatio

*Apposui? à nobis, Ceciliane, rogas:*

## Error 2.

Ex pag. 11. epigr. 31.

*Propterea queritur, mittit suspiria Cælo,*

Castigatio

*Propterea queritur, mittit suspiria Cælo,*

## Error 3.

Ex pag. 28. epigr. 80.

*Diceris Alcidi quod par sis robore, nosco:*

Castigatio

*Diceris Alcida quod par sis robore, nosco:*



Er-

Error 4.

Ex pag. 24. epigr. 85.

*Dimidiam fratri, dimidiamque socio:*

Castigatio

*Dimidiam fratri, dimidiam socio:*

Error 5.

Ex pag. 91. epigr. 267.

*Causa tamèn tanti sceleris lethique requiris?*

Castigatio

*Causa tamèn tanti sceleris lethique (requiris?)*

Ad Lectorem.

*Sic tandem finem posuit mea Musa libello;*

*Volue iterum, placuit si tibi, Lector opus;*

*Sed si displicuit, lacera, vel deijce in ignem,*

*Sic alter discet doctior esse liber.*















